

山谷詩選



序

世之稱蘇黃舊矣不徒詞翰之謂惟詩亦然然蘇之詩麗而該黃之詩道而則其規模似不相埒即山谷先生有云未聞南風歌同調廣陵散是山谷固以元祐詩人之傑自予於東坡則奉若漢魏焉且其平生服膺推轂形為咏歌者每不敢與之並肩然則一體而同視可乎曰可蓋蘇公在翰林較黃公為先而詩之雄悍魁傑又足以相服實則各有所擅也譬之射挽百鈞之弓為左右射中必及的蘇之所以巧力備也若夫禮射雍容兩人固未易軒輕即馳騁林莽閒黃亦能射疏及遠發一壘雙第獲禽之後氣力

黃氏詩選

卷三

周序

一

望雲草廬

稍柔茶耳而豈其三舍避乎哉公於詩諸體咸具而四言樂府離騷不登者卷帖重也且其書多漫滅難較或尚有什一之譌未敢遽信為精確而疵累悉捐菁莪獨味損其華而落其實亦庶幾無少戾焉不識與蘇氏詩千載頡頏

歎

十餘年來春營黃縣觀且其平土取觀畢歸感其  
平國南風歌同調廣陵散是山谷固以元祐詩人之傑自  
予於東坡則奉若漢魏焉且其平生服膺推轂形為咏歌  
者每不敢與之並肩然則一體而同視可乎曰可蓋蘇公  
在翰林較黃公為先而詩之雄悍魁傑又足以相服實則  
各有所擅也譬之射挽百鈞之弓為左右射中必及的蘇  
之所以巧力備也若夫禮射雍容兩人固未易軒輕即馳  
騁林莽閒黃亦能射疏及遠發一壘雙第獲禽之後氣力

望雲草廬

六清閣

序

余家所藏豫章黃文節集止有正集一書已次其詩而刻之矣而一二膾炙者不與竊疑其未竟也既乃得其全書乃知公在陳留時自編退聽堂詩初無意盡去少作也而洪氏所編唯以退聽爲斷前此者不錄焉字形謂豫章外集雖先生晚年刪去後學安敢棄遺而多循洪氏定次猶爲未全其諸孫黃當奮然念先生平生得意之詩及嘗手寫者都不及載遂撰爲年譜而以外集別集附之明嘉靖閒御史徐公岱既序其書而侍郎周公季鳳又序之謂求之瓊山丘公得豫章集三十有六卷訛脫未慊也最後鈔

黃氏詩選

卷三

柴序

一

望雲草廬

之內閣得正集外集別集詞簡年譜諸集凡九十七卷乃宋蜀人所獻者庶幾全而無遺嗚呼由散得聚蓋其難哉先生罹史禍謫涪徙戎爲兩川多士表帥則出自蜀者應爲全書無疑因於各體之後贅以外集別集諸詩按其年若相顛越而得有後先卽以爲承公聽退堂手編遺意亦無不可伐植集爲其父亞夫公詩史氏遷也附見未安故不登之梓

之二而一二

韻文不與錄其未竟也

宋史本傳章黃文節集止有正集一書已次其詩而

山谷先生詩選

禹航 周之麟 雪蒼

仁和 柴升 錦川 全選

五言古

古風二首上蘇子瞻

江梅有佳實託根桃李場桃李終不言朝露借恩光孤芳  
忌皎潔冰雪空自香古來和鼎實此物升廟廊歲月坐成  
晚煙雨青已黃得升桃李盤以遠初見嘗終然不可口擲  
置官道傍但使本根在棄捐果何傷

青松出澗壑十里聞風聲上有百尺絲下有千歲蒼自性

黃氏詩選

卷三 山谷五言古

一 望雲草廬

得久要為人制顏齡小草有遠志相依在平生醫和並不  
世深根且固帶人言可醫國何用太早計大小才則殊氣  
味固相似

同錢志仲飯籓田錢孺文官舍

帝籍開千畝農功先九州王孫守耒耜吏隱極風流水夏  
豐草木五雲衛郊丘牛羊臥籬落賓客解衣裘汲井羞蒸  
饜挽溪供甘柔倒靛收蓮的剖蚌煮鴻頭野日草光合水  
風荷氣浮稻畦下白鷺林樾應鳴鳩主人發清賞况復佳  
同游歸扇障小雨真成一賜休

次韻張詢齋中春晚

學古編簡殘懷人江湖永非無車馬客心遠境亦靜挽蔬  
夜雨畦煮茗寒泉井春去不窺園黃鸝頭三請立朝無物  
望補外儻天幸想乘滄浪船濯髮晞翠嶺補外一作得邑

送劉士彥赴福建轉運判官

秋葉雨墮來冥鴻天資高車馬氣成霧九衢行滔滔中有  
寂寞人靈府肩鑰牢西風持漢節騎從嚴弓刀維閩七聚  
落俾獨困吏贛土弊禾黍惡水煩鱗介勞南驅將仁氣百  
城共一陶察人極涇渭問俗及豚羔官閑得勝日杖履之  
林臯人閒闕忠厚物外訪英豪

奉同子瞻韻寄定國

黃氏詩選

卷三 山谷五言古

二 望雲草廬

風雲開古鏡淮海熨冰紈王孫醉短舞羅襪步微瀾老驥  
心雖在白鷗盟已寒斯人氣金玉視世一鼠肝南歸脫蟲  
蠱入對隨孔鸞忍以日語去鼓船下驚湍收身薄冰釋置  
枕泰山安后土花藥麗海門天水寬伐木思我友知人良  
獨難遙憐須鬢絲猶復耐悲歡

戲答俞清老道人寒夜三首

索索葉自雨月寒遙夜關馬嘶車鐸鳴羣動不遑安有人  
夢超俗去髮脫儒冠平明視清鏡政爾良獨難  
聞道一稊米出身縞簪纓懷我伎木友寒衾夢丁丁富貴  
但如此百年半曲肱早晚相隨去松根有茯苓

次韻張仲謀過酺池寺齋

十年醉錦幄，醑醑照金沙。歛眠春風底，不去留君家。是時應門兒，紫蘭茁其牙。只今將弟妹，嬉戲牽羊車。忽書滿窗紙，整整復斜斜。平生悲歡事，頭緒如亂麻。苟祿無補報，幾成來食嗟。喜君崇名節，青雲似可涯。我夢江湖去，釣船刺蘆花。江濱開園宅，畦蔗蒔梨租。夢驚如昨日，炊玉困京華。公來或藜羹，愛我不疵瑕。深念煩鄉里，忍窮禁貸賒。夜談簾幕冷，霜月動金蛇。卽是桃李月，春蟲語交加。我亦無酒飲，一室可盤鍋。要公共文字，朱墨勤舛差。非復少年日，聲名取媿媿。諸阮有二妙，能詩定自嘉。何時來煮餅，蟹眼試黃氏詩選

卷三

山谷五言古

三

望雲草廬

官茶

饑子敦席上奉同孔經父八韻

日永知槐夏，雲黃喜麥秋。同朝國士集，賜沐吏功休。祗園冠蓋地，清與耳目謀。晴雲浮茗椀，飛雹落文楸。一客眾主人，醉此顧虎顧。虎頭持龍節，排河使東流。厥田惟上上，桑麻十數州。計功不汗馬，可致萬戶侯。

龍節一作漢節

詠伯時象龍圖

上黨良家子，挽強如屈肘。三十學春秋，豈爲莎車首。誰言馮光祿，不如甘延壽。雖無千戶封，乃得六龍友。

題竹石牧牛

野次小崢嶸幽篁相依綠阿童三尺垂御此老叢棘石吾  
甚愛之勿遣牛礪角牛礪角尚可牛鬪殘我竹

和答外舅孫莘老病起寄同舍

西風挽不來殘暑推不去出門厭鞞帽稅駕喜巾屨道山  
鄰日月清樾深牖戶同舍多望郎閑官無窘步少監巖壑  
姿宿昔廊廟具行趨補袞職黼黻我王度歸休飲熟客觴  
豆愆調護浩然養靈根勿藥有神助寄聲舊僚屬訓誥及  
七箸尙憐費諫紙玉唾灑新句北焙碾玄璧谷簾煮甘露  
何時臨書几剝芟談至暮

次韻文潛同遊王舍人園

黃氏詩選

卷三

山谷五言古

四

望雲草廬

移竹淇園下買花洛水陽風煙二十年花竹可迷藏九衢  
流車馬相值各匆匆豈有道邊宅靜居如寶坊幅巾延客  
酒妙歌小紅裳主人有班綬衣拂御爐香常恐鸚鵡鳴百  
草爲不芳故作龜曳尾頗深漆園方初開蝸牛廬中置師  
子牀買田宛丘間江漢起溢觴今此百畝宮冬溫夏清涼  
身閑閤世故宇靜發天光安肯聲利場牽黃臂老蒼張侯  
筆瑞世三秀麗齋房作詩盛推賞明珠計斛量掃花坐晚  
吹妙語益難忘重游樊素病捧心不能粧來日猶可追聽  
我歌楚狂

次韻冕仲考進士試卷

少來迷翰墨無異蟲蠹木諸生程藝文承詔當品目牀敷  
設箱篚賦納忽數束變名混甲乙謄寫失句讀書窗過白  
駒夜几跋紅燭鈞深思嘉魚攻璞願良玉談天用一律伸  
許厭重複絲布澁難縫快意忽破竹聖言禪曲學割袞綬  
邪幅注金無全巧竊發或中鵠翟公辟輝老新標茂棧樸  
御史威降霜行私不容粟吏部提英鑿片善蒙采錄博士  
刈其楚銓量頗三復因人享成事賤子眞碌碌愛白駒一作過白駒

次韻子實題少章寄寂齋

虛名誤壯夫今古可笑閔屋裏萬里歸書載五車攜安知  
衡門下身與天地準秦晁禹美士內行頗修謹余欲造之

黃氏詩選 卷三 山谷五言古 五 望雲草廬

深抽琴去其軫寄寂喧闕閒此道一作深有汲引獄戶聞笳

榜市聲雜嘲駮二生對曲肱圭玉發石蘊小大窮鵬鷃短

長見椿樞一作付椿樞欲聞寂時聲黃鍾在龍笥

次韻吳宣義三徑懷友

佳眠未知曉屋角聞晴哢萬事頗忘懷猶牽故人夢采蘭  
秋蓬深汲井短繩凍起看冥飛鴻乃見天宇空甚念故人  
寒誰省機輿綜在者天一方日月老賓送往者不可言古

柏守翁仲

題宛陵張荷舉曲肱亭

仲蔚蓬蒿宅宣城詩句中人賢忘巷陋境勝失途窮寒蕝

書萬卷零亂剛直胸偃蹇勳業外嘯歌山水重晨雞催不起擁被聽松風

送張天覺得登字

張侯起巴渝翼若垂天鵬歷詆漢諸公霜風拂觶移去國行萬里淡如雲水僧歸來頭益一作白小試不盡能湖海尚豪氣有人議陳登持節上三晉典刑寄哀矜公家有閑日禪窟問香燈因來叙行李斬寄老崖藤

次韻謝斌老送墨竹十二韻

古今作生竹能者未十輩吳生勤枝葉筌案遠不逮江南鐵鉤鎖最許誠懸會燕公洒墨成落落與時背譬如剗心

黃氏詩選

卷三 山谷五言古

六 望雲草廬

松中有歲寒在湖州三百年筆與前哲配規摹轉銀鉤幽賞非俗愛披圖風雨入咫尺莽蒼外吾子學湖州師逸功已倍有來竹四幅冬夏生變態預知更入神後出遂無對吾詩被壓倒物固不兩大世傳江南李工作竹自根至梢極小者一一鉤勒成謂之鐵鉤

用前韻謝子舟為予作風雨竹

子舟詩書客畫手腕前輩挹袂拍其肩餘力左右隸摩拂造化鑄經營鬼神會光煤墨亂葉與世作者背看君回腕筆猶喜漢儀在歲寒十三本與可可追配小山蒼苔面突兀謝憎愛風斜兼雨重意出筆墨外吾聞絕一源戰勝自

鎮白云惟柳公權有此筆法

十倍榮枯轉時機生死付交態狙公倒七茅勿用噴壺對  
此物當更工請以小喻大

次韻益修四弟

霜晚菊未花節物亦可嘉欣欣登高侶畏雨占暮霞

諺云朝霞

不出門暮霞行千里楚人醞菜豆輕碧自相誇老夫不舉酒嚙嗽鳴

兩車良辰與美景客至但成嗟

拜劉凝之畫像

棄官清穎尾買田落星灣身在菰蒲中名滿天地間誰能  
四十年保此清淨退往來澗谷中神光射牛背

題李亮功戴嵩牛圖

黃氏詩選 卷三 山谷五言古 七 望雲草廬

韓生畫肥馬仗仗有輝光戴老作瘦牛平生一作千頃荒

穀棘告主人實已盡筋力乞我一牧童林閒聽橫笛

以酒渴愛江清作五小詩寄廖明略學士兼簡初和

父主簿

將發酒鄂閒盡醉竹林酒二三石友輩未肯棄老朽借問

坐客誰盧溪紫髯叟此翁今惜醉舊不論升斗

平生思故人江漢不解渴誰言放逐地燒燭飲至跋憂予

先狗馬勸以愛膚髮有罪當竄流但懼不得活

廖侯勸我酒此亦雅所愛中年剛制之常懼作災怪連臺

盤拗倒故人不相貸誰能知許事痛飲且一快

竹林文章伯。國士無與雙。比來少制作。非以弱故降。景陽機中錦。猶衣被丘江。時時能度曲。秀句入新腔。斯人絕少可。白眼視公卿。每與俗物逢。三沐取潔清。我亦漫浪者。君何許同盟。試問盧溪叟。猶得多可名。

浯溪圖

成子寫浯溪。下筆便造極。空濛得真趣。膚寸已千尺。只今中宮寺。在昔漫郎宅。更作老夫船。檣竿插蒼石。

次韻答張文潛惠寄

短褐不磷緇。文章近楚辭。未識想風采。別去令人思。斯文已戰勝。凱歌偃旂旂。君行魚上冰。忽復燕哺兒。學省得佳士。催來費符移。方觀追金玉。如許遠言歸。南山有君子。握蘭懷令姿。但應潔齋俟。勿詠無生詩。

柳閣展如蘇。子瞻甥也。其才德甚美。有意於學。故以桃李不言。下自成蹊八字作詩贈之。

柳君文甚武。

甚武一作武甚

睥視萬人豪。

睥視一作睥睨

老氣鼓不作卷。

旗解弓刀上。爲朝陽桐下。爲澗溪毛囊中。有美實期子種。

蟠枕

浮陽愧嘉魚。道傍多苦李。古來賢達人。不爭咸陽市。吾子

富春秋。日月東趨水。

趨一作逝

潛聖有玉音。聞道而已矣。霜威

能折綿。風力欲冰酒。勤子來訪道。枵然我何有。寢興與時

黃氏詩選

卷三

山谷五言古

八

望雲草廬

俱由我屈伸肘飯羹自知味如此是道不

任世萬鈞重載言以爲軒空文誤來世聖達欲無言咸池  
浴日月深宅養靈根胸中浩然氣一家同化元

陸沉百世師寄食魯柳下我今見諸孫風味窺大雅大雅  
久不作圖王勿成霸偉哉居移氣蘭鮑在所化

聖學魯東家恭惟同出自乘流去本遠遂有作書肆日中  
駕肩來薄晚常掉臂徒跼終無贏歸矣求已事

清澗玉泉冰高明秋景晴妙年勤翰墨銀鈎爛縱橫藍田  
生美璞未琢價連城思爲萬乘器柱下貴晚成

八方去求道渺渺困多蹊歸來坐虛室夕陽在吾西君今  
黃氏詩選 卷三 山谷五言五 九 望雲草廬

秣高馬夙駕先鳴雞慎勿取我語親行乃不迷

次韻曾子開舍人游籍田載荷花歸

維王調玉燭時夏雨我田壁挂蒼龍骨溜渠故濺濺三推  
勸根本百穀收皂堅宮司極齋明崇丘見升煙繫馬西門  
柳憶聽去夏蟬剝芡珠走盤鉤魚柳貫鱗掃堂延枕簟公  
子氣翩翩自爾欲繼社阻心如壅泉紫微樂暇日披襟詠  
風漣紅粧倚荷盞水鏡寫明蠲美物亦有實粳房助加籩  
珠宮紫貝闕足此水府仙鬱鬱冠蓋宅追犇易彫年能從  
物外賞真是區中賢仍聞載後乘籠燭照嬋娟

河外吹沙塵江南水無津骨肉常萬里寄聲何由頻我隨  
簡書來顧影將一身留我左右手奉承白頭一作白髮親小邦  
王事畧蟲鳥聲無人王甥解鞍馬夜語雞喚晨母慈家人  
肥女慧男垂紳有田爲酒事豚韭及秋春生涯得如此舊  
學更光新索去何草草少留慰躑躅百年才一炊六籍經  
幾秦要知胸中有不與跡同陳郢人懷妙質聊欲運吾斤

寄裴仲讚

交遊二十年義等親骨肉風雨漂我巢公亦未有屋寄聲  
來問安足音到空谷我家輦轂下薪桂炊白玉在官與影  
俱衣綻髮曲局天機行日月春事勤草木念公篤行李野  
黃氏詩選 卷三 山谷五言古 十 望雲草廬

飯中道宿驚沙卷旂烏尾訛城角騷騷家治具夫子且  
歸沐作書寄後乘爲我遣臣僕起居大夫入并問相與睦  
烏尾訛城角一本作烏尾城角謾設音縮

次韻子由續溪病起被召寄王定國

種萱盈九畹蘇子憂國病炎蒸臥百戰山立有餘勁斯人  
廊廟器不合從遠屏江湖搖歸心白髮侵老境艱難喜歸  
來如晴月生嶺仍懷阻歸舟風木蛟鱷橫補袞諫官能用  
儒吾道盛土書詆平滓蠹彙初記省至今民社計非事頰  
舌競方來立本朝獻納繼晨暝人材包新舊王度濟寬猛  
必開曲突謀滿慰傾耳聽斯文呂與張泉下亦蘇酖天聰

四門闢國勢九鼎定。身得遭太平。分甘守閑冷。天津十年  
面。想見頤而整。何時及國門。休暇過煮茗。燒燈留夜語。鴻  
鴈看對影。但恐張羅地。頗復多造請。維此禮部公。寒泉螯  
舊井。謫去久羸瓶。召還汲修綆。次任決齊宮。陛下天統慶  
日月。進亨衢。經緯寒耿耿。西走已和戎。南遷無哀郢。誰言  
兩逐臣。朝轡天街並。王子窟炎洲。萬死保驅命。還家頰故  
紅。信亦抱淵靜。稅屋待車音。掃門親帚柄。行當懷書傳。載  
酒求是正。端如嘗橄欖。苦過味方永。

次韻答邢惇夫

爲山不能山。過在一簣土。渥洼騏驎兒。墮地志千里。岷江  
黃氏詩選 卷三 山谷五言古 十一 望雲草廬

初溢觴入楚。乃無底。將升聖人堂。道固有廉陛。邢子好少  
年。如世有源水。方求無津涯。不作蛙井喜。兒中兀老蒼。趣  
造甚奇異。過闕王公門。袖中有漫刺。別來阻河山。遠望每  
障秋斯文。何千載有志常。寡遂後生文。楚楚照影若孔翠。  
不應大玄草。晞價咸陽市。雨作枕簟秋。官閑省中睡。夢不  
到漢東。茗椀乃爲祟。聞君肺渴減。頗復佳食寐。讀書得新  
功。來鴈寄一字。奇異一作奇偉

次韻秦觀過陳無已書院觀鄙句之作

陳侯大雅姿。四壁不治第。碌碌益益中。見此古甌沈。薄飯  
不能羹。牆陰老春薺。唯有文字性。萬古抱根柢。我學少師

承坎井可窺底。何因蒙賞味。相亭當性醴。試問求志君。文章自有體。玄鑰鎖靈臺。渠當爲公啓。文字性一。作文字工。

題松下淵明

南渡誠草草。長沙想艱難。松風自度曲。我琴不須彈。遠公

香火社。遺民文字禪。雖非老翁事。幽尙亦可觀。客來欲關

說。觴至不得言。關亦作問。

次韻定國聞蘇子由臥病績溪

炎洲冬無冰。十月雷虺虺。及春瘧癘行。用人祭非鬼。巫師可民命。藥石不入市。溪弩潛發機。土風甚不美。蘇子臥江南。感嘆中夜起。聞道病在牀。食魚不知旨。寒暑戰胸中。士

黃氏詩選

卷三

山谷五言古

七

望雲草廬

窮有如此。此公天機深。爵祿心已死。養生遺形骸。觀妙得骨髓。后皇時嘉楛。中歲多成枳。佳人何時來。爲天啓玉齒。滴破瘴霧姿。朝趨去天咫。諸公轉鴻鈞。國器方薦砥。矢詩寫子心。莊語不加綺。

次韻答秦少章乞酒

朝事鞍馬早。吏曹文墨拘。初無尺寸補。但於友朋疎。豈知簞瓢子。臥起一牀書。炙背道堯舜。雪屋相與娛。步出城東門。野鳥吟廢墟。頗知富貴事。勢窮心亦舒。詩來獻窮狀。水餅嚼冰蔬。斗酒得醉否。枵腹如瓠壺。亦可召西舍。侯嬴非博徒。

贈秦少儀

汝南許文休。馬磨自衣食。但聞郡功曹。滿世名籍籍。渠命有顯晦。非人作通塞。秦氏多英俊。少游眉最白。頗聞鴻鴈行。筆皆萬人敵。吾蚤知有覲。而不知有覲。少儀袖詩來。剉蚌珠的爍。乃能持一鏹。與我箭鋒直。自吾得此詩。三日臥向壁。挽士不能寸。推去輒數尺。才難不其然。有亦未易識。此詩一作此士。挽士一作挽來。

和邢惇夫秋懷二首

殘暑已做裝。好風方來歸。未能疎團扇。頗復製秋衣。高蟬遽如許。長吟送落暉。相戒趣女功。莎蟲能表微。

黃氏詩選

卷三

山谷五言古

三

望雲草廬

曩時高唐客。暮雨朝行雲。陰居懷天匹。楚觀夢紛紜。我欲覩光儀。齋明炷爐薰。天高萬物肅。誰爲帝子魂。

次韻子瞻題無咎所得與可竹二首。粥字韻戲嘲無咎人字韻詠竹。

十字供籠餅。一水試茗粥。忽憶故人來。壁閒風動竹。舍前桑茂葵。舍後荒苜蓿。此郎如竹瘦。十飯九不肉。地下文夫子。風流絕此人。能和晚煙色。幻出歲寒身。馬鬣松成拱。鶩溪墨尚新。應懷斲泥手。去作主林神。

次韻答斌老病起獨遊東園二首

萬事同一機。多慮乃禪病。排悶有新詩。忘蹄出兔筵。蓮花

生淤泥。可見嗔喜性。小立近幽香。心與晚色靜。  
主人心安樂。花竹有和氣。時從物外賞。自益酒中味。斷枯  
蟻改穴。掃籜笋迸地。萬籟寂中生。乃見風雨至。

又和二首

西風塵殘暑如用。霍去病疎溝滿蓮塘。掃葉明竹逕中有  
寂寞人。自知圓覺性。心猿方睡起。一笑六窗靜。

外物攻伐人。鐘鼓作聲氣。待渠弓箭盡。我自味無味。宴安  
衽席閒。蚊蠅垂涎地。君子履微霜。卽知堅冰至。

又答斌老病愈遣悶二首

百病從中來。悟罷本非病。西風將小雨。涼入居士逕。苦竹

黃氏詩選

卷三 山谷五言古

古 望雲草廬

遶蓮塘自悅。魚鳥性紅粧。倚翠蓋不點。禪心淨。

風生高竹涼。雨送新荷氣。魚遊悟世網。鳥語入禪味。一揮  
四百病。智刃有餘地。病來每厭客。今乃思客至。

次蘇子瞻和李太白潯陽紫極宮感秋詩韻追懷太

白子瞻

不見雨。謫仙長懷倚修竹。行遶紫極宮。明珠得盈掬。平生  
人欲殺。耿介受命獨往者。如可作抱被來同宿。砥柱闕頹  
波不礙。更何卜。但觀草木秋葉落。根自復。我病二十年。大  
斗久不覆。因之酌蘇李。蠲肥社。醉熟。

去年三月清明。蔣彥回喜太守監郡過其玉芝園作

詩十六韻二侯皆有報章今年三月余到玉芝園記  
錄一時次其舊韻

春生瀟湘水風鳴澗谷泉過雨花漠漠吾晴絮翩翩名園  
上朱閣觀後復觀前借問昔居人岑絕無炊煙人生須富  
貴河水清且漣百年共如此安用涕潺湲蔣侯真好事杖  
履喜接連車載溪中骨堆排若差肩厭看孔任面醜石反  
成妍感君勸我醉吾亦無閒然亂我珠碧眼空花墜更翻  
行動須人扶那能金石堅愛君雷試琴湯湯發朱絃但恨  
賞音人大半隨逝川平生有詩罪如痼不可痊今當痛自

改三疊復三瀟

黃氏詩選

卷三

山谷五言古

五

望雲草廬

三月辛丑同徐靖國到愚溪過羅氏修竹園入朝陽  
洞蔣彥回陶介石僧崇廣及余子相步及余於朝陽  
巖徘徊水濱久之有白雲出洞中散漫洞口咫尺欲  
不相見介石請作五字記之

意行到愚溪竹輿鳴擔肩冉溪昔居人埋沒不知年偶託  
文字工遂以愚溪傳柳侯不可見古木蔭濺濺羅氏家瀟  
東瀟西讀書園筍茁不避道擅樂搖春煙下入朝陽巖次  
山有銘鑄蘚石破篆文不辨瞿李袁嵌寶響笙磬洞中出  
寒泉同遊四五客拂石弄潺湲俄頃生白雲似欲駕我仙  
吾將從此逝挽牽遂回船

以柳子茶餅寄德孺

碩果實林梢可以代懸瓠攜持二十年煮茗當酒肴我今  
禦魑魅學打衲僧包聊持堅重器遺我金石交

乞鍾乳於曾公衮

寄語曾公子金丹幾時熟願持鍾乳粉實此磬懸腹遙憐  
鱗眼湯已化鷺管玉刀圭勿妄傳此物非碌碌

次韻答黃與迪

和氏有尺璧楚國無人知青山抱國器歲月忽如遺但使  
玉非石果有遭逢時吾宗固神秀天乃挽成之蘭芳深丸  
畹露味挹三危流俗不顧省古人可前追胸中凌雲賦自

黃氏詩選

卷三

山谷五言古

去

望雲草廬

貴知音稀淵源學未淺孝友家正肥與世殊軼轍三黜理  
亦宜吳溪浣紗女不用朱粉施豈異風塵子市門自夸毗  
我作焚道囚三年始放歸邂逅終日語貽我五字詩句如  
秋雨晴遠峯抹修眉老馬甘伏櫪坐看天驥馳灑掃清樾  
下當爲果茗期光陰去易失日月轉兩儀仲氏有東園花  
竹深可依寸步不往來千里常夢思幾時開後戶扶策方  
自茲

跋子瞻和陶詩

子瞻謫嶺南時宰欲殺之飽喫惠州飯細和淵明詩彭澤  
千載人東坡百世士出處雖不同風味仍相似

次韻叔原會寂照房得照字

風雨思齊詩草木怨楚調本無心擊排勝日用歌嘯僧窗  
茶烟底清絕對二妙俱含萬里情雪梅開嶺徼我慙風味  
淺砌莎慕松蒿中朝盛人物誰與開顏笑二公老諸事似  
解寂寞釣對之空嘆嗟樓閣重晚照

寄陳適用

日月如驚鴻歸燕不及社清明氣妍暖疊疊向朱夏輕衣  
頗宜人裘褐就懶架已非紅紫時春事歸桑柘空餘車馬  
跡顛倒桃李下新晴百鳥語各自有匹亞林中僕姑歸苦  
遭拙婦罵氣候使之然光陰促晨夜解甲號清風卽有幽

黃氏詩選

卷三

山谷五言古

七

望雲草廬

蟲化朱墨本非工王事少閑暇幸蒙餘波及治郡得黃霸  
邑鄰陳太丘威德可資借決事不遲疑敏手擘泰華頗復  
集紅衣呼僮飲休假歌梁韻金石舞地委蘭麝寄五字  
詩句法窺鮑謝亦嘆簿領勞行欲問田舍相期黃公壚不  
異秦人灸我初無廊廟身願執耕稼今將荷鋤歸區芋畦  
甘蔗觀君氣如虹千輩可陵跨自當出懷壁往取連城價  
賜地買歌僮珠翠羅廣廈富貴不相忘寄聲相慰藉

寄題安福李令先春閣

宮殿繞風煙江山壯城郭令君莪桃李面春築飛閣春至  
最先知雨露徧花藥是日勸農桑冰銷土膏作弦歌出縣

齋表回問民瘼雞犬聲相聞嬰此簿領縛安得攜手嬉烹  
茶煨鴨脚

讀方言

八月梨棗紅繞牆風自落江南風雨餘未覺衣衾薄壁蟲  
憂寒來催婦織衣去聲著音荒畦杞菊花猶用充羹臠連日  
無酒飲令人風味惡頗似揚子雲家貧官落魄忽聞輶軒  
書澁讀勞輔齟虛堂漏刻閒九土可領畧願多載酒人喜  
我識字博設心更自笑欲過屠門嚙往時抱經綸待價一  
丘壑卜師非熊羆夢相解靡索所欲吾未奢常使耕可穫  
今年美牟麥厨饌豐餅拓摩挲腹中書安知非糟粕

黃氏詩選

卷三 山谷五言古

六 望雲草廬

和劉景文

追隨城西園殘暑欲退席夜涼雨新休城譙挂蒼壁住人  
攜手嬉調笑忘日夕劉侯本將家今爲讀書客詩名二十  
年風雅目推激牛鐸調黃鍾薪餘合琴瑟食無干戶封句  
有萬人敵頗類鄴侯家連牆架書冊殘編汲縣豕半隸鴻  
都壁渠成亦秦利願公多購獲竟須卜比鄰勞苦相飲食  
身有小醜女已自喜翰墨要傳未見書遮眼差有益人生  
但安樂卷外豈吾力分鹿誰覺夢亡羊路南北公今百寮  
底雪髮不勝幘愛公欲洧拂願我已頭白

曉放汴舟

秋聲滿山河行李在梁宋川塗事雞鳴身亦逐羣動霜清  
魚下流橘柚入包貢又持三十口去作江南夢

黃氏詩選

卷三 山谷五言古

尤 望雲草廬

五言古詩 山谷五言古 尤 望雲草廬

山谷五言古 尤 望雲草廬

山谷先生詩選

禹航 周之鱗 雪蒼

仁和 柴升 錦川 全選

七言古

次韻李之純少監惠研

黃公山下黃雞秋持節卹刑曾少休小人負弩得開道掃  
葉張飲林巖幽相傳有石非地產列仙持來自羅浮酒甯  
步出雲雨上南撫方城西嵩丘林端乃見石空洞猛獸轟  
屬踞上頭烏道兔逸謀挽致萬牛不動六丁愁道家蓬萊  
見仙伯我亦洗湔與清流探囊贈研頗宜墨近出黃山非  
黃氏詩選 卷三 山谷七言古 三 望雲草廬

遠求乃知此山自才美物欲致用當窮搜迷邦故令成器  
晚不琢元非匠石羞

次韻子瞻題郭熙畫秋山

黃州逐客未賜環江南江北飽看山玉堂臥對郭熙畫發  
興已在青林閒郭熙官畫但荒遠短紙曲折開秋晚江村  
煙外雨脚明歸鴈行邊餘壘巘坐思黃甘洞庭霜恨身不  
如鴈隨陽熙今頭白有眼力尙能弄筆映窗光畫取江南  
好風日慰此將老鏡中髮但熙肯畫寬作程五日十日一

水石

次韻子瞻和子由觀韓幹馬因論伯時畫天馬

手闌花驄龍八尺看雲不受絡頭絲西河驄作葡萄錦雙  
瞳夾鏡耳卓錐長揪落日試天步知有四極無由馳電行  
山立氣深穩可耐珠韉白玉羈李侯一顧歎絕足領畧古  
法生新奇一日眞龍入圖畫在垌羣雄望風雌曹霸弟子  
沙苑丞喜作肥馬人笑之李侯論幹獨不爾妙盡骨相遺  
毛皮翰林評書乃如此賤肥貴瘦渠未知況我平生賞神  
俊僧中云是道林師俊一作駿

次韻錢穆父贈松扇

銀鈎玉唾明璽紙松箑輕涼并送似可憐遠度幘溝漉適  
堪今時襍穢子丈人玉立氣高寒三韓持節見神山應得  
黃氏詩選 卷三 山谷七言古 三 望雲草廬

安期不死草使我蟬蛻塵埃間

送鄭彥能宣德知福昌縣

往時河北盜橫行白晝驅人取城郭唯聞不犯鄭冠氏犬  
臥不驚民氣樂祇今化兵作鋤耰田舍老翁百不憂銅章  
去作福昌縣山中讀書民有秋福昌愛民如父母當官不  
擾萬事舉用才之地要得人眼中虛席十四五不知諸公  
用心許魯恭卓茂可人否

省中烹茶懷子瞻

閤門井不落第二竟陵谷簾定誤書思公煮茗共湯鼎  
蚯蚓生魚眼珠置身九州之上腴爭名燄中沃焚如但恐

次山胸磊隗終便酒舫石魚湖  
元次山石魚湖歌曰石魚湖似洞庭夏水欲瀟君山不能廢人運酒舫

謝送碾賜壑源揀芽

喬雲從龍小蒼璧元豐至今人未識壑源包貢第一春細  
匳碾香供玉食睿思殿東金井欄甘露薦椀天開顏橋山  
事嚴庀百局補袞諸公省中宿中人傳賜夜未央雨露恩  
光照宮燭左丞似是李元禮好事風流有涇渭肯憐天祿  
校書郎親敕家庭遣分似春風飽識太官羊不慣腐儒湯  
餅腸搜攬十年燈火讀令我胸中書傳香已戒應門老馬

走客來問字莫載酒

袁司一補袞

黃氏詩選

卷三

山谷七言古

三

望雲草廬

僧景宗相訪寄法王航禪師

抱牘稍退鳧鷺行倦禪時作橐駝坐忽憶頭陀雲外人閉  
門作夏與僧過一絲不掛魚脫淵萬古同歸蟻旋磨山中  
雨熟瓜芋田喚取小僧休乞錢

謝王仲至惠洮州礪石黃玉印材

洮礪發劒虹貫日印章不琢色蒸栗磨礪頑鈍印此心佳  
人持贈意堅密佳人鬢彫文字工藏書萬卷胸次同日臨  
天閑參眞諦新詩得意挾雷風我貧無句當正物看公倒

海取明号

次韻子瞻詠好頭赤國

李侯畫骨不畫肉下筆馬生如破竹秦駒雖入天仗圖猶  
恐真龍在空谷精神權奇汗溝赤有頭赤鳥能逐日安得  
身爲漢都護三十六城看歷歷亦畫肉一作不畫肉天馬  
一作天仗自有赤鳥一作  
有頭  
赤鳥

記夢

跟真絕妙擁靈君曉然夢之非紛紜窗中遠山是眉黛席  
上榴花皆舞裙借問琵琶得聞否靈君色莊妓搖手兩客  
爭棋爛斧柯一兒壞局君不呵杏梁歸燕空語多柰此雲  
窗霧閣何

聽宋宗儒摘阮歌

黃氏詩選

卷三 山谷七言古

望雲草廬

翰林尚書宋公子文采風流今尚爾自疑耆域是前身囊

中探丸起人一作九死貌如千歲枯松枝落魄酒中無定止

得錢百萬送酒家一笑不問今餘幾手揮琵琶送飛鴻促

絃聒醉驚客起寒蟲催織月籠秋獨鴈呀羣天拍水楚國

羈臣放十年漢宮佳人嫁千里深閨洞房語恩怨紫燕黃

鸝韻桃李楚狂行歌驚市人漁父擘舟在葭葦問君枯木

著朱繩何能道人意中事君言此物傳數姓玄壁庚庚有

橫理閉門三月傳國工身令親見阮仲容我有江南一丘

壑安得與君醉其中曲肱聽君寫松風琵琶一作阮咸

演雅

桑蠶作繭自纏裹珠蚕結網工遮避燕無居舍經始忙蝶  
爲風光勾引破老鶻銜石宿水飲穉蜂趨衙供密課鵲傳  
吉語安得閑雞催晨興不敢臥氣陵千里蠅附驥枉過一  
生蟻旋磨蝨聞湯沸尚血食雀喜宮成自相賀晴天振羽  
樂蜉蝣空穴祝兒成螺贏蛄蟻轉丸賤蘇合飛蛾赴燭甘  
死禍井邊蠹李螬舌肥枝頭飲露蟬常餓天虵伏隙錄人  
語射工含沙瘡影過訓狐啄屋真行怪蠪蛸報喜太多可  
鷓鴣密伺魚蝦便白鷺不禁塵土腕絡緯何嘗肯機織布  
穀未應勤種播五技鼯鼠笑鳩拙百足馬蛇憐驚跛老蚌  
胎中珠是賊醢雞瓮裏天幾大螳螂當輒恃長臂熠燿宵

黃氏詩選

卷三

山谷七言古

舌

望雲草廬

行矜照火提壺猶能勸沽酒黃口只知貪飯顆伯勞饒舌  
世不問鸚鵡纔言便開鎖春蛙夏蜩更嘈雜土蚓壁蟬何  
碎瑣江南野水碧於天中有狎鷗閑似我

狎鷗一作白鷗

戲答趙伯充勸莫學書及爲席子澤解嘲

平生飲酒不盡味五鼎饒肉如嚼蠟我醉欲眠便遣客三  
年窺牆亦面壁空餘小來翰墨場松煙兔穎傍明窗偶隨  
兒戲灑墨汁眾人許在崔杜行晚學長沙小三昧幻出萬  
物真成狂龍蛇起陸雷破柱自喜奇觀繞繩牀家人罵笑  
寧有道污染黃素敗粉牆誠不如南鄰席明府蛛網鎖硯  
書梁懷中探丸起丸死才術頗似漢太倉感君詩句喚

夢覺邯鄲初未熟黃梁身如朝露無牢強玩此白駒過隙  
光從此永明書百卷自公退食一爐香

送少章從翰林蘇公餘杭

東南淮海惟揚州國士無雙秦少游欲攀天關守九虎但  
有筆力迴萬牛文學縱橫乃如此故應當家有季子時來  
誰能力作難鴻鴈行飛入道山斑衣兒啼真自樂從師學  
道也不惡但一作自使新年勝故年卽如常在邯鄲前

戲和答禽語

南村北村雨一犁新婦餉姑翁哺兒田中啼鳥白四時佳  
人脫袴著新衣著新替舊亦不惡去年租重無袴著

黃氏詩選

卷三

山谷七言古

五

望雲草廬

謝景叔惠冬笋雍酥水梨三物

玉人憐我長蔬食走送厨珍不自嘗秦牛肥膩酥勝雪漢  
苑甘寒梨得霜冰底斲春生笋束豹文解籜饌寒玉見他  
桃李憶故園噉獮獮殘遠窗竹

再答景叔

女三爲粲當獻王三珍同盤乃得嘗甘泉下繞藜藿腸令  
我詩句挾風霜小人食珍敢取足都城一飯炊白玉賜錢  
千萬民猶饑雷後排簷凍銀竹

題小猿叫驛

知命

大猿叫罷小猿啼簪裏行人白晝迷惡藤牽頭石鬪足

牽兒隨淚錄續我亦下行莫啼哭

次韻李任道晚飲鎖江亭

西來雪浪如魚烹兩崖百葦乃可橫忽思鍾陵江十里白  
蘋風起穀紋生酒杯未覺浮蟻滑茶鼎已作蒼蠅鳴歸時  
共須落日盡亦嫌持蓋僕屢更

次韻黃斌老所畫橫竹

酒澆胸次不能平吐出蒼竹歲崢嶸臥龍偃蹇雷不驚公  
與此君俱忘形晴窗影落石泓處松煤淺染飽霜兔中安  
三石使屈蟠亦恐形全便飛去

戲詠子舟畫兩竹兩鸚鵡

黃氏詩選

卷三 山谷七言古

三

望雲草廬

風晴日暖搖雙竹竹閒相語兩鸚鵡鸚鵡之肉不可肴人  
生不材果爲福子舟之筆利如錐千變萬化皆天機未知  
筆下鸚鵡語何似夢中胡蝶飛

從斌老乞苦笋

南園苦笋味勝肉籩龍稱寃莫採錄煩君更致蒼玉東明

日風雨皆成竹

更致一作便致

青神縣尉廳葺城頭

屋作借景亭下瞰史家園求

竹終日寂然了無人迹又當大本綠陰之間戲作長

句奉呈信孺明府介卿少府

青神縣中得兩張愛民財物唯恐傷二公身安民乃樂新

葦城頭六月涼竹鋪不礙吳綾襪東西開軒蔭清越當官  
借景未傷民恪似鑿池取明月

題晁以道雪鴈圖

飛雪灑蘆如銀箭前鴈驚飛後回盼憑誰說與謝玄暉休  
道澄江靜如練

和王觀復洪駒父謁陳無己長句

陳君今古焉不學清渭無心映涇濁漢官舊儀重九鼎集  
賢學士見一角王侯文采似於菟洪甥人間汗血駒相將  
問道城南隅無屋止借船官居有書萬卷繞一作四壁樵  
蘇不爨談至夕主人自是文章伯鄰里頗怪有此客食貧

黃氏詩選

卷三

山谷七言古

三

望雲草廬

各仕天一方佳人可思不可忘河從天來砥柱立愛莫助

之涕淋浪

仕一作在

王充道送水仙花五十枝欣然會心爲之作詠

凌波仙子生塵襪水上輕盈步微月是誰招此斷腸魂種  
作寒花寄愁絕含香體素欲傾城山礬是弟梅是兄坐對  
眞成被花惱出門一笑大江橫

送密老住五峯

我穿高安過萍鄉七十二渡遶羊腸水邊林下逢衲子南  
北東西古道場五峯秀出雲雨上中有寶坊如側掌去與  
青山作主人不負法昌老禪將栽松種竹是家風莫嫌斗

絕無來往但得螺師吞大象從來美酒無深巷一本羊腸下有兩句  
云去時顯茗奉正香  
歸來秧稻夏日長

瓊芝軒

卓僊在時養瓊芝深根固蒂活人命懂懂來問此何草但

告渠是唐婆鏡子瞻詩所記胡道士玉芝一名瓊田草者俗號其葉爲唐婆鏡葉底開花故號羞天

花以予考之其實本草之鬼白也歲生一白如黃精而堅

瘦備十二歲可爲藥就土中生根取一白勿令大木知也

煮麪如餌脫皮裏一曰吞之數日不飢嚼三日可辟穀也

黃龍山老僧多採而斷食令人體躍而神王今方家所用

鬼白乃鬼燈檠耳如蜀人用鬼箭但用一草根不知何物

也鎮陽趙州問道傍叢生三羽者眞鬼箭俗醫用藥如此

而責道士胡君洞微卓君圮之弟子卓君之時欲崇飾宮

觀而俗緣薄規模甚遠而不成就及胡君而宮殿崇成便

齋曲房松竹蒼蔚觀其軒窗開塞宜冬而極夏智慮通物

黃氏詩選卷三山谷七言古

者也又好文多藝能治賓客具至者忘

歸此東坡先生所以每至而流連者歟

武昌松風閣

依山築閣見平川夜闌箕斗插屋椽我來名之意適然老

松魁梧數百年斧斤所赦今參天風鳴媧皇五十絃洗耳

不須菩薩泉嘉二三子甚好賢力貧買酒醉此筵夜雨鳴

廊到曉懸相看不歸臥僧瓊泉枯石燥復潏潏山川光輝

爲我妍野僧早饑不能飽曉見寒谿有炊煙東坡道人已

沉泉張侯何時到眼前釣臺驚濤可晝眠怡亭看篆蛟龍

纏妾得此身脫拘攣舟載諸友長周旋

庭堅以去歲九月至鄂登南樓歎其制作之美成長

句久欲寄遠因循至今書呈公悅

江東湖北行畫圖鄂州南樓天下無高明廣深勢抱合表  
裏江山來畫閣雪筵披襟夏簟寒胸吞雲夢何足言庾公  
風流冷似鐵誰其繼之方公悅

閣一作閣

花光仲仁出秦蘇詩卷思兩國士不可復見掃卷絕  
歎因花光爲我作梅數枝及畫煙外遠山追少遊韻

記卷末

夢蝶真人貌黃稿籬落逢花須醉倒雅聞花光能畫梅更  
乞一枝洗煩惱扶持愛梅說道理自許牛頭參已早長眠  
橘洲風雨寒今日梅開向誰好何況東坡成古丘不復龍

黃氏詩選

卷三

山谷七言古

五

望雲草廬

蛇看揮掃我向湖南更嶺南繫船來近花光老歎息斯人  
不可見喜我未學霜前草寫盡南枝與北枝更作千峯倚  
晴昊

題淡山巖

去城二十五里近天與隔盡俗子塵春蛙秋蠅不到耳夏  
涼冬暖總宜人巖中清磬僧定起洞口綠樹仙家春惜哉  
次山世未顯不得雄文鑿翠珉

明遠蒼

遠公引得陶潛住美酒沽來飲無數我欲醉眠卿且去只  
有空瓶同此趣誰知明遠似遠公亦欲我行菴上路多方

挈取甕頭春大白梨花十分注與君深入逍遙遊了無一  
物當情素道卿道卿歸去來明遠主人今進步

道卿浩  
溪僧

戲答歐陽誠發奉議謝余送茶歌

歐陽子出陽山山奇水怪有異氣生此突兀熊豹顏飲如  
江入洞庭野詩成十年不供寫老來抱璞向浩翁東坡元  
是知音者蒼龍壁官涪香涪翁投贈非世味自許詩情合  
得嘗却思翰林來餽光祿酒兩家水鑿共寒光予乃安敢  
比東坡有如玉盤金叵羅直相千萬不啻過愛公好詩又  
能多老夫何有更橫戈柰此千思百戰何

和范信中寓居崇寧遇雨

黃氏詩選

卷三

山谷七言古

三

望雲草廬

當年游俠成都路黃夫蒼鷹伐狐兔二十始肯爲儒生行  
尋丈人奉巾履千江渺然萬山阻抱衣一囊遍處處或持  
劔掛宰上回亦有酒罷壺中去昨來禪榻寄曲肱上雨傍  
風破環堵何時鯤化北溟波好在豹隱南山霧

再答元興

君不能入身帝城結子公又不能擊強有如諸葛豐汝當  
憔悴百寮底五十年涯一秃翁問君何自今爲郎便殿作  
賦聲摩空偶然樽酒相勞苦牛鐸調與黃鍾同安得朱轡  
各憑熊江南樓閣白蘋風勸歸啼鳥曉窗籠兒兒邂逅功  
補麥鳥倦歸巢葉歸本

送王郾

酌君以蒲城桑落之酒。泛君以緗纈秋菊之英。贈君以黟川點漆之墨。送君以陽關墮淚之聲。酒澆胸中之磊隤。菊制短世之頽齡。墨以傳千古文章之印。歌以寫一家兄弟之情。江山萬里頭俱白。骨肉十年眼終青。連牀夜語雞戒曉。書囊無底談未了。有功翰墨乃如此。何恨遠別音書少。炊沙作糜終不飽。鑊冰文章費工巧。要須心地收汗馬。孔孟行世日杲杲。有弟有弟力持家。婦能養姑供珍饈。兒大詩書女絲<sub>一作桑</sub>。麻公但讀書煮春茶。

次韻王炳之惠玉板紙

黃氏詩選

卷三

山谷七言古

三

望雲草廬

王侯須若緣坡竹。哦詩清風起空谷。古田小牋惠我百信。知溪翁能解玉鳴砮。干杵動秋山。裊糧萬里來。輦轂儒林丈人有。蘇公相如子雲。再生蜀往時。翰墨頗橫流。此公歸來有邊幅。小楷多傳樂毅論。高詞欲奏雲門曲。不持歸掃蘇公門。乃令小人今拜辱。去騷甚遠。文氣卑。畫虎不成。書勢俗。董狐南史一筆無誤。掌殺青司記錄。雖然此中有公議。或辱五鼎榮。半菽願公進德。使見書不敢求。君米千斛。以團茶洮州綠石研。贈無咎文潛。

鬼子智囊可以括四海。張子筆端可以回萬牛。自我得二。上意氣傾九州。道山延閣委竹帛。清都太微望冕旒。貝宮

胎寒弄明月。天網下罩一日收。此地要須無不有。紫皇訪  
問富春秋。晁無咎贈君越侯所貢蒼玉璧可烹玉塵試春  
色。澆君胸中過秦論。斟酌古今來活國。張文潛贈君洮州  
綠石念風漪。能淬筆鋒如劍鋒。請書元祐開皇極。第入思  
齊訪落詩。

觀伯時畫馬

儀鸞供帳饗蝨行。翰林涇薪爆竹聲。風簾官燭淚縱橫。木  
穿石架朱渠透。坐窗不遯令人瘦。貧馬百賢逢一豆。眼明  
見此五花驄。徑思著鞭隨詩翁。城西野桃尋小紅。

次韻于瞻寄眉山王宣義

黃氏詩選

卷三

山谷七言古

望

望雲草廬

參軍但有四五壁。初無臨江千木奴。白髮不是折腰具。桐  
帽棕鞋稱老夫。滄江鷗鷺野心性。陰壑虎豹雄牙須。鷓鴣  
作裝初服在。猩血染帶鄰翁無。昨來杜鵬勸歸去。更得把  
酒聽提壺。當今人材不乏使。天上二老須人扶。兒無飽飯  
尚勤書。婦無複禪且著襦。社饗可漉溪可漁。更問黃雞肥  
與癯。林閒醉著人。伐木猶夢官。下聞追呼萬釘圍。腰莫愛  
渠富貴。安能潤黃壚。

出城送客過故人東平侯趙景珍墓

朱顏苦欲一辭留。不肯住。白髮政爾欺得人。嬋娟去作誰家  
妾。意氣都成一聚塵。今日牛羊上丘壘。當時近前左右喚。

花開鳥啼。荆棘裏誰與平章作好春。

送長卿大學秋補

長卿家亦但四壁。交君窺之介如石。胸中已無少年事。骨氣乃有老松格。漢文新覽天下圖。詔山採玉淵獻珠。再三可陳治安策。第一莫上登封書。

題榮州祖元大師此君軒

王師學琴二十年。響如清夜落澗泉。滿堂洗盡箏琶耳。請師停手恐斷絃。神入傳書道人命。死生貴賤如看鏡。晚知直語觸憎嫌。深藏幽寺聽鍾磬。有酒如澗客滿門。不可一日無此君。當時手栽數寸碧。聲挾風雨今連雲。此君傾蓋黃氏詩選。卷三。山谷七言古。望雲草廬。

如故舊骨相奇怪清。且秀程嬰杵。白立孤難伯夷叔。齊采薇。瘦霜鍾堂上。弄秋月微風入絃。此君悅公家周彥筆。如椽此語意當能傳。

戲贈家安國

家侯口吃善著書。常願執戈王前驅。朱紱蹉跎晚監郡。吟弄風月思天衢。二蘇平生親且舊。少年筆硯老栢酒。但使一公轉鵠釣。此老嬰錄還冠軍。

題子瞻畫竹石

風枝雨葉瘖土竹。龍蹲虎踞蒼鮮石。東坡老人翰林公。醉時吐出胸中墨。

清江引

江鷗搖蕩荻花秋。八十漁翁百不憂。清曉采蓮來盪漿。夕陽收網更橫舟。羣兒學漁亦不惡。老妻白頭從此樂。全家醉着蓬底眠。舟在寒沙夜潮落。

戲贈彥深

季原字彥深厚之弟居南陽

李髯家徒立四壁未嘗一飯能留客。春寒茅屋交洞庭倚牆捫虱讀書策。老妻甘貧能養姑。寧剪髮鬢不典書。大兒得殮不索魚。小兒得禪不索襦。庾郎鮭菜二十七。大常齋日三百餘。上丁分膳一飽飯。藏神夢訴羊豨蔬。世傳寒士有食籍。一生當飯百甕菹。冥冥主張審如此。附郭小圃宜

黃氏詩選

卷三

山谷七言古

齋

望雲草廬

勤鉏慈秧青。青葵甲綠早。萋晚菘羹熟。充虛解戰賴。湯餅芼以苜。齋與甘菊幾。日鄰槐已著。花一心。呪笋莫成竹。羣兒笑髯窮。百巧我謂勝。人飯重肉羣兒笑。髯不若人我獨愛髯。無事貧君不見猛虎。卽人厭麋鹿。人還寢皮食其肉。濡需終與豕俱。焦飮肥擇甘果。非福蟲蟻無知不足驚。橫目之民萬物靈。請食熊躡楚千乘。立死幽壁漢公卿。李髯作人有佳處。李髯作詩有佳句。雖無厚祿故人書。門外猶多長者車。我讀楊雄逐貧賦。斯人用意未全疎。

渡河

客行歲晚非遠遊。河水無情日夜流。去年排堤注東郡。詔

使奪河還此州憶昔冬行河梁上飛雪千里會冰壯人言  
河源凍徹天冰底猶聞沸驚浪

聽崇德君鼓琴

月明江靜寂寥中大家斂袂撫孤桐古人已矣古樂在髣  
髴雅頌之遺風妙手不易得善聽良獨難猶如優曇華時  
一出世間兩忘琴意與己意迺似不著十指彈禪心默默  
三淵靜幽谷清風淡相應絲聲誰道不如竹我已忘言得  
真性罷琴窗外月沉江萬籟俱空七絃定

次韻和答孔毅甫

鵬飛鯤化未卽逍遙游龍章鳳姿終作廣陵散湓浦鑪邊

黃氏詩選

卷三

山谷七言古

三

望雲草廬

督數錢故人陸沉心可見氣與神兵上斗牛詩如晴雪濯  
江漢把詠公詩闔且開旁無知音面牆嘆我今廢書迷簿  
領魚蠹筆鋒帙網硯六年國子無寸功猶得江南萬家縣  
客來欲語誰與同令人熟寐觸屏風竊食仰愧冥冥鴻少  
年所期如夢中江頭酒賤樽屢空南山有田歲不逢相思  
夜半涕無從千金公亦費屠龍

再用舊韻寄孔毅甫

鑿中之髮蒲柳望秋衰眼中之人風雨俱星散往者托體  
同青山健者漂零不相見庾公樓上有詩人平生落筆寫  
河漢置驛勤來索我詩自說中郎識元歎我方陳坐酒官

曹爲公然薪灸冰硯不解窮愁著一書豈有文章名九縣  
奴星結柳送文窮退倚北窗睡松風太阿耿耿截歸鴻夜  
思龍泉號匣中斗柄垂天霜雨空獨鴈叫羣雲萬重何時  
握手香爐峰不看寒泉濯臥龍

寄題安福李令愛竹堂

淵明喜種菊子猷喜種竹託物雖自殊心期俱不俗千載  
得李侯異世等風流爲官恐是陶彭澤愛竹最知王子猷  
寒窗對酒聽雨雪夏簟烹茶臥風月小僧知令不凡材自  
掃竹根培老節富貴於我如浮雲安可一日無此君人言  
愛竹有何好此中難爲俗人道我於此物更不疎一官窘  
黃氏詩選 卷三 山谷七言古 三 望雲草廬  
東何由到

八月十四日夜刀坑口對月奉寄王子難子聞適用  
閩郡中數月  
未嘗有燕遊

去年對月廬陵郡醉留歌舞蹋金沙今年今夕千峰下新  
磨古鑿動菱花寒藤老木被光景深山大澤皆龍蛇西風  
爲我奏萬籟落葉起舞驚棲鴉遙憐城中二三友風流慣  
醉玉釵斜今夕傳杯定何處應無二十四琵琶

戲和子寺丞乞王醇老米

君不見公車待詔老諫諧幾年索米長安街君不見杜陵  
白頭在同谷夜提長鏡掘黃獨文人古來例寒餓安得野

蠶成繅天雨粟王家圭田登幾斛于家買桂炊白玉

### 老杜浣花谿圖引

拾遺流落錦官城故人作尹眼爲青碧谿坊西結茅屋百  
花潭水濯冠纓故衣未補新衣綻空蟠一作嶮胸中書萬卷

探道欲度羲皇前論詩未覺國風遠干戈崢嶸一作終暗

寓縣杜陵韋曲無雞犬老妻稚子且眼前弟妹飄零不相

見此公樂易真可人園翁溪友肯卜鄰鄰家有酒邀皆去

得意魚鳥來相親浣花酒船散車騎野牆無主看桃李宗

文守家宗武扶落日蹇驢馱醉起願聞解鞍脫兜鍪老儒

不用千戶侯中原未得平安報醉裏眉攢一作清萬國愁

黃氏詩選

卷三 山谷七言古

三 望雲草廬

生綃鋪牆粉墨落平生忠義今寂寞兒呼不蘇驢失脚猶

恐醒來有新作常使詩人拜畫圖鸞膠續絃千古無

### 阻水泊舟竹山下

竹山蟲鳥朋友語討論陰晴怕風雨丁寧相助防禍機草

動塵驚忽飛去提壺歸去意甚貞柳暗花濃亦半春北風

幾日銅官縣欲過五松無主人

### 書石牛溪旁大石上

鬱鬱窈窕天官宅諸峰排霄帝不隔六時謁天開關鑰我

身金華牧羊客羊眠野草我世閒高真眾靈思我還石盆

之中有甘露青牛駕我山谷路

何氏悅亭詠柏

澗底長松風雨寒  
岡頭老柏顏色悅  
天生草木臭味同  
同盛同衰見冰雪  
君莫愛清江百尺船  
刀鋸來謀歲寒節  
十林無葉草根黃  
蒼髯龍吟送日月

壽聖觀道士黃至明開小隱軒太守徐公爲題曰快

軒庭堅集句詠之

金華牧羊兒一粒粟中藏世界  
使君從南來清風明月不用一錢買  
盧鷲杓鸚鵡杯一杯一杯復一杯  
玉山自倒非人推  
廬山秀出南斗傍  
登高送遠形神開  
銀河倒挂三石梁  
礪崖倒石萬壑雷  
吟詩作賦北窗裏  
安得青天化作一黃氏詩選

卷三

山谷七言古

三

望雲草廬

張紙長鯨白齒若 山我願因之寄千里

次韻任公漸感梅花十五韻

花信風來自伊洛  
稍稍花光上林薄  
經年病骨怯輕寒  
裁就春衫不勝著  
纍纍牆底臥虛樽  
醉鄉何處尋  
城郭小軒假寐遊  
華胥萬籟無聲燈寂  
寞落梅新詩人吾手  
驚起詩魔如發愕  
高文逸氣天馬趨  
尾端尙許青蠅託  
坐恐勾芒弄我歸  
春花不及空紫萼  
生前常苦不自閑  
芻豢糜人受羈絡  
我嗟卒歲敝鞍羈  
風敗衣裾塵滿橐  
經裘緩帶多公暇  
公獨奈何猶不樂  
公言少年豈易知  
鳳屏翠幔愁蕭索  
蚤從琪樹折春飈  
每見新詩淚雙落  
勸公且共飲此酒酒

令雖巖莫噴虐時翻舞袖閒清歌日薦南尊羹北酪花開  
莫問醜與妍隨分眼前罄杯酌不須憔悴減腰圍也學東  
陽沈侯約

叔誨宿邀湖上之遊以故不果往

芰荷採盡荇田田湖光價當酒十千主人邀客殊未來西  
風枕簟廢書眠睡罷書窗翻墨汁龍蛇起陸雲雨溼晚筵  
紅袖勸傾杯公榮坐遠酌不及章臺柳色未知秋 與行  
人鞭紫駟金城手種亦如此今日搖落令人愁雙飛鴛鴦  
一朝隻春鉏欲匹畏白鷗風標公子誠自多水淨月明如

鷗何

黃氏詩選

卷三 山谷七言古

堯 望雲草廬

李君貺借示其祖西臺學士草聖并書帖一編二軸

以詩還之

時高蹈翰墨場一作籍籍翰墨場江南李氏洛下陽一作天下最數與

二人沒後數來者一作去後文在誰西臺惟有一一作天見尚書郎

秣草聖凡幾家奄有漢魏跨兩唐紙摹石鏤見鬚髯 未

得似君家藏側釐數幅冰不及宇體欹傾墨猶 明窗棐

几閒卷看坐客失牀皆起立新春一聲雷未聞一作曾未聞雷聲

何得一作事龍蛇已驚螭仲將伯英無後塵一作縱橫渾脫若有神邇

來此公下筆親一作意匠直與真宰親使之一作公早出見李衛不獨

右軍能逼人枯林棲鴉滿僧院一作書家每欲焚筆硯秀句爭傳兩

京遍一作詩就爭文工墨妙九原荒伊洛氣象今淒涼夜  
光入手愛不得還君復入古錦囊此後臨池無筆法時時  
夢到君書堂

西禪聽戴道士彈琴

靈宮蒼煙蔭老柏風吹霜空月生魄羣鳥得巢寒夜靜市  
井收聲虛室白少年抱琴爲予來乃是天台桃源未歸客  
危冠匡坐如無傍弄絃鏗鏗燈燭光誰言伯牙絕絃鍾期  
死泰山峩峩水湯湯春天百鳥語撩亂風蕩楊花無畔岸  
微露愁猿抱山木玄冬孤鴻度雲漢斧斤丁丁空谷樵幽  
泉落澗夜蕭蕭十二峰前巫峽雨七八月後錢塘潮孝子

黃氏詩選

卷三

山谷七言古

早

望雲草廬

流離在中野羈臣歸來哭亡社空牀思婦感蠮蝥莫年遺  
老依桑柘人言此曲不堪聽我憐酷解寫人情悲歌浩歎  
絃欲斷翻作恬淡雍容聲五絃橫坐崑廊靜薰風南天厚  
民性人言帝力何有哉鳳凰麒麟舞虞詠我思五代如深  
湯真人指揮定四方照臨仁心及蟲蟻百蠻九譯覘天光  
極知功高樂未稱誰能持此獻樂正賤臣疎遠安敢言且  
欲空江寒灘靜漁艇幽人知我心悠哉更作嚴陵在釣臺  
吾知之矣師且止安得長竿入手來

戲贈潘洪奉

潘郎小時白如玉上學竟歸如杜鵑當年屢過乃翁家沽

酒煮螭不論錢大梁相逢初不識黃塵漬面催挽船不如  
去作萬騎將黑頭日致青雲上

伯時彭蠡春牧圖

岳陽樓上春已歸湖中鴻鴈拍波飛布帆天闊隨鳥道石  
林風晚吹人衣春水初生及馬腹浮灘欲上西山麓遙看  
絕嶺秀雲松上有垂蘿暗谿谷沙眠草嚙性不驕側身注  
目鳴相招林閒營過屋爍爍原上獨立風蕭蕭君不見中  
原真種 塵沒南行車骨何蒼卒稊收力健載征夫肯向  
時危辨奇骨即今貢馬西北來東西坊監屯雲開紛然驚  
驢同一秣爾可不憂四蹄脫

黃氏詩選

卷三

山谷七言古

罕

望雲草廬

臨河道中

村南村北禾黍黃穿林入塢岐路長據鞍夢歸在親側弟  
妹婦女笑兩廂甥姪跳梁暮堂下唯我小女始扶牀屋頭  
撲棗爛盈斗嬉戲喧手挽衣裳覺來去家三百里一園兒  
絳花氣香可憐此物無根本依草着木浪自芳風煙雨露  
非無力年年結子飄路傍不如歸種秋柏實他日隨我到  
冰霜臨河屬開德路由河堤今集中有曹村道中一首瓜  
田餘蔓有荒隴象子壓枝鋪短牆明月風煙如夢寐  
平生親舊隔湖湘是也蓋經行先曹村後臨河  
故前詩有覺來去家三百里之句指大名也

觀劉永年團練畫角鷹

劉侯才勇世無敵愛畫工夫亦成癖弄筆掃成蒼角鷹殺

氣稜稜動秋色。爪拳金鉤背屈鐵。萬里風雲藏勁翮。兀立  
槎枒不畏人。眼看青冥有餘力。霜飛晴空塞草白。雲垂四  
野陰山黑。此時軒然盍飛去。何乃噴帆立西壁。祇應眞骨  
下人世。不謂雄姿留粉墨。造次更無高鳥喧。等閑亦恐孤  
狸赫。旁觀未必窮神妙。乃是天機貫胸臆。膽相突兀塵空  
杌。想見其人英武格。傳聞揮毫頗容易。持以與人無甚惜。  
物逢眞賞世所珍。此畫他年恐難得。

薄薄酒二章 并序

蘇密州爲趙明叔作薄薄酒三章。憤世疾邪。其言甚  
高。以予觀趙君之言。近乎知足不辱。有馬少游之餘。

黃氏詩選

卷三

山谷七言古

望

望雲草廬

風故代作二章以終其意

薄酒可與忘憂。醜婦可與白頭。徐行不必駟馬。稱身不必  
狐裘。無禍不必受福。甘餐不必食肉。富貴於我如浮雲。小  
者詆訶大戮辱。一身畏首復畏尾。門多賓客飽僮僕。美物  
必甚惡。厚味生五兵。匹夫懷璧死。百鬼瞰高明。醜婦千秋  
萬歲同。室萬金良藥不如無疾。薄酒一談一笑勝茶。萬里  
封侯不如還家。

薄酒終勝飲茶。醜婦不是無家。醇醪養牛等刀鐮。深山大  
澤生龍蛇。秦時東陵千戶食。何如青門五色瓜。傳呼鼓吹  
擁部曲。何如春雨一池蛙。性剛太傅促和藥。何如羊裘釣

煙沙綺席象牀瑠玉枕重門夜鼓不停櫂何如一身無四  
壁滿船明月臥蘆花吾聞食人之肉可隨以鞭朴之戮乘  
人之車可加以鈇鉞之誅不如薄酒醉眠牛背上醜婦自  
能搔背癢

黃氏詩選

卷三

山谷七言古

望

望雲草廬

山谷先生詩選

禹航 周之 雪蒼 全選

仁和 柴 升 錦川

五言律

次韻劉景文登鄴王臺見思

舊時劉子政惟悴鄴王城把筆已頭白見書猶眼明平原

秋樹色沙麓暮鐘聲歸鴈南飛盡無因寄此情

公詩如美色未嫁已傾城嫁作蕩子婦寒機泣到明絲琴

蛛網遍絃絕不成聲想見鳴夷子江湖萬里情

清人怨戲效徐庾慢體三首

黃氏詩選 卷三 山谷五言律 望雲草廬

秋水無言度荷花稱意紅主人散愛客催喚出房籠一斛

明珠曲何時落塞鴻試煩春筍手聊為剝蓮蓬一作撥萍蓬

障羞羅袂薄承汗領巾紅晚風斜薑髮逸豔照窗籠胡琴

抱明月寶瑟陣歸鴻倚壁生珠網年光如轉蓬

翡翠釵梁碧石榴裙摺紅隙光斜斗帳香字冷薰籠聞道

西飛燕將隨北固鴻鴛鴦會獨宿風雨打船蓬

萬州之下巖唐末有劉道者定州無極人聞道於雲

居膺禪師為開巖第一祖法號道微自鑿石龕曰死

便藏龕中不用日時門人奉其命二百年來遊者題

詩不可勝讀莫能起此開巖者故予作二篇表見之

其一用楊子安韻其一用王定國韻

用楊子安韻篇在七言絕

寺古松楠老崑虛塔廟開僧緣蠶麥去官數荔支來石室  
無心骨金鋪稱意苔若爲劉道者拽得鼻頭迴

次韻聞善

扶醉三竿日題詩一研埃張羅門帶雪投轄井生苔待得  
成丘壘誰能把酒盃常應黃菊畔悵望白衣來

次韻答高子勉十首

雪盡虛簷滴春從細草迴德人泉下夢俗物眼中埃久立  
我有待長吟君不來重玄鎖關鑰要待玉匙開

掃雪我三日御風君過旬言詩今有數下筆不無神行布

黃氏詩選

卷三

山谷五言律

望

望雲草廬

佳期近飛揚子建親可憐金石友去不待斯人

峴南羈旅井灞上獵歸亭日繞分魚市風回落鴈汀筆由  
詩客把笛爲故人聽但恐蘇耽鶴歸時或姓丁

君不居郡省還應上諫坡才高殊未識歲晚喜無他柲馬  
巖難出鄉雞凍不歌寒爐餘幾火灰裏撥陰何

荆渚樓中賦南陽隴底吟誰年小隱處頻屈故人臨經筍  
難窺底詞源幸汲深思君眠竹屋雪月冰寒衾

驚人得佳句或以傲王公處世要清節滑稽安足雄深沉  
似康樂簡遠到安豐一點無俗氣相期林下同

志士難推轂將如高子何心期誠不淺餘論或相多飲向

滄洲去還能小艇磨鷓鴣西照處相並曬漁蓑  
鑿開混沌竅窺見伏羲心有物先天地含生盡陸沉伐山  
成大廈鼓橐鑄祥金三尺無絃木期君發至音  
少年基一簣長歲足三餘忍作飛黃去頓超同隊魚尊前  
八采向窗下十年書定作牛腰束傳抄聽小胥  
沙上步微暖思君刺欲招萸萸穿雪動楊柳索春鏡枉駕  
時逢出新詩若見潦尊前遠湖樹來飲莫辭遙

德孺五丈和之字詩韻難而愈工輒復和成可發一笑

且然聊爾耳得也自知之獨笑眞成夢狂歌或似詩照灘  
黃氏詩選

卷三

山谷五言律

笑

望雲草廬

禽郭索燒野得伊尼

鹿名出佛書

早晚來同醉僧牀臥虎皮

贈惠洪

數面欣羊脾論詩喜雉膏眼橫湘水暮雲獻楚天高墮我  
玉塵尾乞君宮錦袍月清放舟舫萬里渺雲濤

答余洪範

道在東西祖詩如大小山一家同雪月萬事廢機關天上  
麒麟閣山中虎豹閑何時得丘壑明鏡失朱顏

人社日奉寄君庸主簿

花發社公雨陰寒殊未開初聞燕子語似報玉人來醉眼  
便書冊挑蠶欺酒盃傳聲習主簿勤爲撥春醅

侯尉之吉水覆按未歸三日泥雨戲成寄之  
歎息侯嬴老尉曹鞍馬疲山花迷部曲江雨壓旌旗越鳥  
勸沽酒竹雞憂蹋泥不知何處醉遙寄解醒詩

呻吟齋睡起呈世弼

棊几坐清晝博山凝妙香蘭芽依客土柳色過鄰牆巷僻  
過從少官閑氣味長江南一枕夢高臥聽鳴榔

已把社公酒春寒那得嚴厭聽鷓鴣咏雪喜有燕穿簾璞玉  
深藏器囊錐立見尖兒時愛談道今日口如箝

王彥祖惠其祖黃州制草其後

脫畧看時輩諸君等發蒙董狐常直筆汲黯少居中鵬入  
黃氏詩選

卷三

山谷五言律

望雲草廬

遷臣舍烏號厭世弓平生有嘉樹猶起九原風

寄新茶與南禪師

筠焙熟香茶能醫病眼花因甘野夫食聊寄法王家石鉢  
收雲液銅餅煮露華一甌資舌本吾欲問三車

次韻廖明畧陪吳明府白雲宴集

以下  
排律

江淨明花竹山空響管絃風生學士塵雲繞令君筵百越  
餘生聚三吳遠接連庖霜刀落鱸執玉酒明船葉縣飛來  
烏壺公謫處天酌多時繁謹舞短更成妍唯我孤登覽觀  
詩未究宣空餘五字賞文似兩京然醫是肱三折官當歲  
九遷老夫看鏡罷衰白敢爭先文一作大

東觀讀未見書

漢規羣玉府東觀近宸居詔許無雙士來觀未見書皇文  
開萬卷家學陋三餘竹帛森延閣星辰繞直廬諸生起孤  
賤天子自吹噓願以多聞力論思補帝居

歲寒知松柏

羣陰彫品物松柏尚桓桓老去惟心在相依到處寒霜嚴  
御史府兩立大夫官犧象溝中斷徽絃驟下殘光陰一鳥  
過斬一作伐萬牛難春日輝桃李蒼顏亦預觀

被褐懷珠玉

國士懷珠玉通津不易扛櫝藏心有待褐短義難降寶唾  
黃氏詩選 卷三 山谷五言排律 哭 望雲草廬

歸青簡晴虹貫夜窗直言方按劔豈是故迷邦彈雀輕干  
仞連城買一雙安知藍縷底明月弄寒江

款塞來亭

前朝夏州守來款塞門西聖主敷文德降書付狄鞬璽裘  
瞻日月斲面帶金屏殿陛閑干羽邊亭息鼓聲永輪量谷  
馬不作觸藩羝聲勢常相倚今聞定五溪

東觀讀未見書

東觀讀未見書

東觀讀未見書

東觀讀未見書

山谷先生詩選

禹航 周之麟 雲蒼

仁和 柴升 錦川 全選

七言律

再次韻兼簡履中南王三首

李侯詩律嚴且清。諸生賡載筆縱橫。句中稍覺道戰勝。胸次不使俗塵生。山繞樓臺鐘鼓晚。江觸石磯碓杵鳴。鎖江主人能致酒。願渠久住莫終更。

江津道人心源清。不繫虛舟盡日橫。道機禪觀轉萬物。文彩風流被諸生。與世浮沉惟酒可。隨時憂樂以詩鳴。江頭

黃氏詩選 卷三 山谷七言律

吳 望雲草廬

一醉豈易得事如浮雲多變更變更一作喜

鎖江亭上一樽酒。山自白雲江自橫。李侯短褐有長慮。不與俗物同條生。經術貂蟬續狗尾。文章瓦釜作雷鳴。古來寒士但守節。夜夜抱關聽五更。

廖致平送綠荔支爲戎州第一王公權荔支綠酒亦

爲戎州第一

王公權家荔支綠。廖致平家綠荔支。試傾一杯重碧色。快剝千顆輕紅肌。撥醅蒲萄未足數。堆盤馬乳不同時。誰能同此勝絕味。唯有老杜東樓詩。杜子美宴戎州東樓詩云重碧酌春酒。輕紅劈荔支。

贈惠洪

吾年六十子方半。槁項頂螺忘歲年。韻勝不減秦少艷氣。爽絕類徐師川。不肯低頭拾卿相。又能落筆生雲烟。脫却衲衫一作衣。著蓑笠。來佐涪翁刺釣船。

題胡逸老致虛菴

藏書萬卷可教子。遺金滿贏常作災。能與貧人共年穀。必有明月生蚌胎。山隨宴坐畫圖出。水作夜窗風雨來。觀山觀水皆得妙。更將何物污靈臺。一作莫將世事侵兩鬢。小菴觀靜鍊靈臺。

崇寧二年正月己丑夢東坡先生於寒溪西山之間

子誦寄元明鴈字韻詩數篇東坡笑曰公詩更進於曩時因和予一篇語意清奇子擊節賞嘆東坡亦自

黃氏詩選

卷三

山谷七言律

辛

望雲草廬

喜於九曲嶺道中連誦數過遂得之

天教兄弟各異方。不使新年對舉觴。作雲作雨手翻覆。得馬失馬心清涼。何處胡椒八百斛。誰家金釵十二行。丘一。整可曳尾。三沐三鬢取劔腸。

次韻柳通叟寄王文通

故人昔有凌雲賦。何意陸沉黃綬閒。頭白眼花行作吏。兒婚女嫁望還山。心猶未死杯中物。春不能朱鏡裏顏。寄語諸公肯滿被。割雞合得近鄉關。

次韻王定國楊州見寄

清洛思君晝夜流。北歸何日片帆收。未生白髮猶堪酒。垂

上青雲却佐州。飛雪堆盤鱸魚腹。明珠論斗煮雞頭。平生  
行樂自不惡。豈有竹西歌吹愁。

寄黃幾復

我居北海君南海。寄鴈傳書謝不能。桃李春風一杯酒。江  
湖夜雨十年燈。持家但有四立壁。治病不斬三折肱。想得  
讀書頭已白。隔溪猿哭瘴溪藤。

次韻幾復和荅所寄

海南海北夢不到。會合乃非人力能。地福未堪長神舞。夜  
寒空對短檠燈。相看鬢髮時窺鏡。曾共詩書更曲肱。作箇  
生涯終未足。故山松長到天藤。

黃氏詩選

卷三

山谷七言律

五

望雲直廡

送顧子敦赴河南

頭白書林二十年。印章今領晉山川。紫參可掘宜包貢。青  
鐵無多莫鑄錢。勸課農桑誠有道。折衝樽俎不臨邊。要知  
使者功多少。看取春郊處處田。

寄上叔父夷仲

少年有功翰墨林。中歲作吏幾陸沉。庖丁解牛妙世故。監  
市履豨知民心。萬里書來兒女瘦。十月山行冰雪深。夢魂  
和月繞秦隴。漢節落毛何處尋。

關寒塞雪欲鬪音。燕鴈拂天河鯉沉。百書不如一見面。幾  
日歸來兩慰心。弓刀陌上望行色。兒女燈前語夜深。更懷

父子東歸得手種江頭柳十尋

次韻宋楙宗傲居甘泉坊雪後書懷

漢家太史宋公孫漫逐班行謁帝閭燕饌封侯空有相蛾眉傾國自難昏家移四壁書侵坐馬瘦三山葉擁門安得風帆隨雪水江南石上對籀尊

馬瘦一作馬聳

贈黔南賈使君

綠髮將軍須百蠻橫戈得句一開顏少年圯下傳書客老去崆峒問道山春入鶯花空自笑秋成梨棗爲誰攀何時定作風光主待得征西鼓吹還

次韻宋楙宗三月十四日到西池都人盛觀翰林公

黃氏詩選

卷三 山谷七言律

五 望雲草廬

出遊

金狨繫馬曉鶯邊不比春江上水船人語車聲喧法曲花光樓影倒晴天人閒化鶴三千歲海上看羊十九年還作遊頭驚俗眼風流文物屬蘇仙

次韻黃斌老晚游池亭二首

路入東園無俗駕忽逢佳士喜同遊綠荷齒齒稍覺晚黃菊拒霜殊未秋客位正須懸榻下主人自愛小塘幽老夫多病蠻江上頗憶平生馬少游

客位一作客至

岑寂東園可散愁膠膠擾擾夢神遊萬竿苦竹旌旗卷一部鳴蛙鼓吹休雨後月前天欲冷身閑心遠地常幽桂門

謝客恐生謗且作人間鷓鴣游

次韻楊君全送酒長句

扶衰却老世無方惟有君家酒未嘗  
秋入園林花老眼茗搜文字響枯腸  
醉頭夜雨排簷滴盃面春風繞鼻香  
澄清遣分送定知佳客對空觴

贈李輔聖

交界相逢水急流八年今復會荊州  
已回青眼追鴻翼肯使黃塵沒馬頭  
舊管新收幾粧鏡流行坎止一虛舟  
相看絕嘆女博士筆研管絃成古丘

女博士謂輔聖後房孔居也於文藝無不妙絕

自巴陵畧平江臨湖入通城無日不雨至黃龍奉謁

賈氏詩選

卷三

山谷七言律

三

望雲草廬

謁禪師繼而晚晴邂逅禪客戴道人款語作長句呈

道純

山行十日雨霑衣暮阜峯前對落暉  
野水自添田水滿晴鳩却喚雨鳩歸  
靈源大士人天眼雙塔老師諸佛機  
白髮蒼顏重到此問君還是昔人非

湖口人李正臣蓄異石九峯東坡先生名曰壺中九

華并爲作詩後八年自海外歸過湖口石已爲好事

者所取乃和前篇以爲笑實建中靖國元年四月十

六日明年當崇寧之元五月二十日庭堅繫舟湖口

李正臣持此詩來石旣不可復見東坡亦下世矣感

感歎不足因次前韻

有人夜半持山去。頓覺浮嵐暝翠空。試問安排華屋處。何如零落亂雲中。能迴趙璧人安在。已入南柯夢不通。願有霜鍾難席卷袖推。聽響玲瓏。

追和東坡題季亮功歸來圖

令人常恨古人少。今得見之誰謂無。欲學淵明歸作賦。先煩摩詰畫成圖。小池已築魚千里。隙地仍栽芋百區。朝市山林俱有累。不居京洛不江湖。

宜隄別元明用觴字韻

霜須八十期同老。酌我仙人九醞觴。明月灣頭松老大。承黃氏詩選卷三 山谷七言律 番 望雲草廬

思堂下草荒涼。千秋風雨罵求友。萬里雲天鴈斷行。別夜不眠聽鼠齧。非關春茗攪枯腸。

詠雪奉呈廣平公

蓮空春雪明如洗。忽憶江清水見沙。夜聽疎疎還密密。曉看整整復斜斜。風回共作婆娑舞。天乃作一能開。噴刻花。政使盡情寒至骨。不妨桃李用年華。

和答元明黔南贈別

萬里相看忘逆旅。三聲清淚落離觴。朝雲往日夢天夢。夜雨何時對榻涼。急雪脊令相並影。驚風鴻鴈不成行。歸舟天際常回首。從此頗書慰斷腸。

次韻馬荊州

六年絕域夢刀頭，判得南還萬事休。誰謂石渠劉校尉，來依絳帳馬荊州。霜髭雪鬢共看鏡，茱糝菊英同送秋。他日江梅臘前破，還從天際望歸舟。

新喻道中寄元明用觴字韻

中年畏病不飲酒，孤負東來數百觴。喚客煎茶山店遠，看人秧稻午風涼。但知家裏俱無恙，不用書來細作行。一百八盤攜手上，至今猶夢繞羊腸。

次韻德孺五丈惠貺秋字之句

少日才華接貴游，老來忠義氣橫秋。未應白髮如霜草，不黃氏詩選 卷三 山谷七言古 望雲草廬

見丹砂似箭頭。願我今成喪家狗，期君早作濟川舟。漢家宗社英靈在，定自寒儒浪自愁。

同子瞻韻和趙伯充團練

金玉堂中寂寞人，仙班時得共朝真。兩宮無事安磐石，萬國歸心有老臣。家釀可供開口笑，侍兒工作捧心顰。醉鄉乃是安心處，付與升平作幸民。

癡兒了却公家事，快閣東西倚晚晴。落木千山天遠大，澄江一道月分明。朱絃已爲佳人絕，青眼聊因美酒橫。萬里歸船弄長笛，此心吾與白鷗盟。

池口風雨留三日

孤城三日風吹雨。小市人家只菜蔬。水遠山長雙屬玉。身  
閑心苦一春鋤。翁從旁舍來收網。我適臨淵不羨魚。俛仰  
之間已陳迹。莫窗歸了讀殘書。

衝雪宿新寨忽忽不樂

縣北縣南何日了。又來新寨解征鞍。山衝斗柄三星沒。雪  
共月明千里寒。小吏忽一作時須束帶故人頗。問不休。官  
江南長盡梢雲竹。歸及春風斬釣竿。

郭明父作西齋子穎尾請予賦詩二首

食貧自以官爲業。聞說西齋意凜然。萬卷藏書宜子弟。十  
黃氏詩選 卷三 山谷七言律 美 望雲草廬

年種木長風煙。未嘗終日不思穎。想見先生多好賢。安得  
雍容一樽酒。女郎臺下水如天。

東京望重兩并州。遂有汾陽整綴旒。翁伯入關傾意氣。林  
宗異世想風流。君家舊事皆青史。今日高材未白頭。莫倚  
西齋好風月。長隨三徑古人遊。

戲詠江南土風

十月江南未得霜。高林殘水下寒塘。飯香獵戶分熊戶。白酒  
熟。漁家學鱉黃。橘摘金苞隨驛使。禾春玉粒送官倉。踏歌  
夜結田神社。游女多隨陌上郎。

次韻裴仲謀同年

交蓋春風汝水邊。客牀相對臥僧龕。舞陽去葉纔百里。鹿  
子與公俱少年。白髮齊生如有煙。青山好去坐無錢。烟沙  
篔簹竹。江南岸。輪與鷗鷺取次眠。

病起次韻和稚川進叔倡酬之什

池塘夜雨聽鳴蛙。老境侵尋每憶家。白髮生來驚客鬢。黃  
梁炊熟又春華。百年不負膠投漆。萬事相依葛與瓜。勝日  
主人如有酒。猶堪扶病見鶯花。

伯氏到濟南寄詩頗言太守居有湖山之勝同韻和

西來黃犬傳佳句。知是陸機思陸雲。歷下樓臺追把酒。舅  
家賓客厭論文。山椒欲雨好雲氣。湖面逆風生水紋。想得  
黃氏詩選 卷三 山谷七言律 垂 望雲草廬  
爭棋飛鳥上。行人不見只聽聞。

同世弼韻作寄伯氏在濟南兼呈大舅祠部學士

山光掃黛水挾藍。聞說樽前愜笑談。伯氏清修如舅氏。濟  
南瀟灑似江南。屢陪風月乾吟筆。不解笙篁醉舞衫。只恐  
使君乘傳去。拾遺今日是前衙。

次韻蓋郎中率郭郎中休官二首

仕路風波雙白髮。閑曹笑傲兩詩流。故人相見自青眼。新  
貴卽今多黑頭。桃葉柳花明曉市。荻芽蒲笋上春洲。定知  
強健休官去。酒戶家園得自由。  
郭文時御道中野服過親黨飯頗爲分臺御史所詰

故有  
此句

世態已更千變盡心源不受一塵侵一作險阻艱難親耐力是非憂樂飽經心  
青春白日無公事紫燕黃鸝俱好音付與兒孫知伏臘聽  
教魚鳥逐飛黃公壚下曾知味定是逃禪入少林

和師厚郊居示里中諸君

籬邊黃菊關心事窗外青山不世情江橋千頭供歲計秋  
蛙一部洗朝醒歸鴻往燕競時節宿草新墳多友生身後  
功名空自重眼前樽酒未宜輕

次韻奉寄子由

半世交親隨逝水幾人圖畫入凌煙春風春雨花經眼江  
北江南水拍天欲解銅章石問道定知石女許忘年脊令  
黃氏詩選 卷三 山谷七言律 癸 望雲草廬

各有思歸恨日月相催雪滿顛

再次韻奉答子由

蠶尾銀鈎寫珠玉剡藤蜀繭照松煙似逢秋若談秋水始  
覺醜鷄守甕天何日清揚能覲面只今黃落又凋年萬錢  
買酒從公醉一鉢行歌聽我顛

題息

曾開小檻籠沙界鬱鬱參天翠竹叢萬籟參差寫明月一  
家寥落共清風蒲團禪板無人付茶鼎薰爐與客同萬水  
千山尋祖意歸來笑殺舊時翁

觀王主簿家除鱗

肌膚冰雪薰沉水百草千花莫比芳露溼何郎試湯餅日  
烘荀令炷爐香風流徹骨成春酒夢寐宜人入枕囊輪輿  
能詩王主簿瑤臺影裏據胡牀

送高士敦赴成都鈐轄

玉鈴金印臨參井控蜀通秦四十州日下書來望鴻鴈江  
頭花發醉貔貅巴滇有馬駒空老林箐無人葉自秋能爲  
將軍歌此曲鳴機割錦與纏頭

清明

佳節清明桃李笑野田荒穰只生愁雷驚天地龍蛇蟄雨  
足郊原草木柔人乞祭餘驕妾婦士甘焚死不公侯賢愚  
黃氏詩選 卷三 山谷七言律 堯 望雲草廬  
千載知誰是滿眼蓬蒿共一丘

李大夫招飲

欲遣吟人對好山莫天和雨醉憑欄座中雲氣侵人溼砌  
下泉聲逼酒寒紅燭圍碁生死急清風揮塵笑談閑更籌  
報盡不成起車從厭厭夜已闌

河舟晚飲呈陳說道

西風脫葉靜林柯淺水扁舟閣半河落日遊魚穿鏡面中  
秋明月漲金波由來白髮生無種豈似青山保不磨勝事  
只愁樽酒盡莫言爭柰醉人何

和仲謀夜中有感

紙窗驚吹玉蹀躞。竹砌碎撼金琅璫。蘭缸有泪風飄地。遊  
夜無人月上廊。愁思起如獅緒。蠹歸夢不到合歡牀。少年  
多事意易亂。詩律坎坎同寒蠶。

夏日夢伯兄寄江南

故園相見畧雍容。睡起南窗日射紅。

一作相攜猶聽隔溪春睡起開書見手封

詩酒一年談笑隔。江山千里夢魂通。

河天月暈魚分子。柳

葉風微鹿養茸。幾度白砂青影裏。審聽嘶馬自搯笄。

一作白髮

倚門愁絕處可堪衣斷去時縫

送杜子卿歸西淮

雪意溶溶滿面風。杜郎馬上若征鴻。樽前談笑我方惜。天

黃氏詩選

卷三

山谷七言律

卒

望雲草廬

外淮山誰與同行。望村帘沾白蟻醉吟詩句入丹楓。一時  
眞賞無人共尙憶。江南把釣翁。

客自潭府來稱明因寺僧作靜照堂求予作

客從潭府渡河梁。籍甚傳誇靜照堂。正苦窮年對塵土。坐  
令合眼夢湖湘。市門曉日魚蝦白。鄰舍秋風橘柚黃。去馬  
來舟爭歲月。老僧元不下胡牀。

道中寄景珍兼簡慶元纈

傳語濠州賢刺史。隔年詩債幾時還。因循樽俎疎相見。囊  
擲光陰只等閑。心在青雲故人處。身行紅雨亂花閒。遙知  
別後多狂醉。惱殺江南庾子山。

雨過至城西蘇家

飄然一雨酒青春九陌淨無車馬塵  
漸散紫烟籠帝闕稍  
回晴日麗天津花飛衣袖紅香溼  
柳拂鞍韉綠色勻  
管領風光惟痛飲都城誰是得閑人

和答劉太博攜家遊廬山見寄

緩轡松陰不起塵嵐光經雨一番新  
遙知數夜尋山宿便  
是全家避世人落日已迷煙際路  
花飛還報洞中春  
可憐不更尋源入若見劉郎想問秦

次韻伯氏戲贈韓正翁菊花開時家有美酒

鬢髮斑然潘騎省腰圍瘦盡沈東陽  
茶甌麪煮龍山白酒  
黃氏詩選 卷三 山谷七言律 空 望雲草廬

梳希逢若下黃烏角巾邊簪鈿朶  
紅銀盃面凍糖霜會須  
著意憐時物看取年華不久芳

講武臺南有感

月明猶在搭衣竿曉踏臺南路屈盤  
駒子雨中先馬去村  
童烟外倚牆看鴉啼辛木秋風急  
鷺立漁船野水乾花似  
去年堪折贈插花人去淚闌干

何主簿蕭齋郎贈詩思家

善吟閨怨斷人腸二妙風流不可當  
傅粉未歸啼玉筍吹  
笙無伴澁銀簧睡添鄉夢客牀冷  
瘦盡腰圍衣帶長天性  
少情詩亦少羨他蕭史與何郎

四月末天氣陡然如秋遂御被衣遊北沙亭觀江漲  
沙岸人家報急流船官解纜正夷猶震雷將雨度絕壑遠  
水粘天吞釣舟甚欲去揮曲羽筆可堪更着紫茸裘平生  
得意無人會浩蕩春鉏且自由

黃氏詩選

卷三 山谷七言律

至 望雲草廬

春風無人會浩蕩春鉏且自由

水粘天吞釣舟甚欲去揮曲羽筆可堪更着紫茸裘平生

得意無人會浩蕩春鉏且自由

四月末天氣陡然如秋遂御被衣遊北沙亭觀江漲

山谷先生詩選

禹航 周之麟 雪蒼

全選

仁和 柴升 錦川

五言絕

戲詠臘梅二首

金萼鎖春寒。惱人香未展。雖無桃李顏。風味極不淺。  
體薰山麝臍。色染薔薇露。披拂不滿襟。時有暗香度。

謫居黔南五首

摘樂天句

相望六千里。天地隔江山。十書九不到。何用一開顏。

霜降水反壑。風落木歸山。冉冉歲華晚。昆虫皆閉關。

黃氏詩選

卷三

山谷五言絕

三

望雲草廬

冷淡病心情。暄和好時節。故園音信斷。遠近親賓絕。

山郭燈火稀。峽天星漢少。年光東流水。生計南枝鳥。

真性齊遠近。委順隨南北。歸去誠可憐。天涯住亦得。

題花光畫

湖北山無地。湖南水徹天。雲沙真富貴。翰墨小神仙。

離福巖

山下三日晴。山上三日雨。不見祝融峯。還泝瀟湘去。

和涼軒二首

打荷看急雨。看月任行雲。夜半蚊雷起。西風爲解紛。

茗椀夢中覺。荷花鏡裡香。涼生只當處。暑退亦無方。

山谷先生詩選

禹航 周之麟 雪蒼

仁和 柴升 錦川 全選

六言絕

題澗峯閣

徐老海棠巢上

徐陰樂道隱於藥肆中家有海棠數株結巢其上時與客巢飲於其間

王翁

主簿峯菴

王道人參禪四方歸結屋於主簿峯上嘗有毛人至其間問道

梅蘂破顏冰雪

綠叢不見黃甘

次韻王荆公題西太一宮壁二首

風急啼鳥未了雨來戰蟻方酣真是真非安在人間北看

黃氏詩選

卷三

山谷六言絕

齋 望雲堂廬

成南

晚風池蓮香度曉日宮槐影西白下長千夢到青門紫曲

塵迷

有懷半山老人再次韻二首

短世風驚雨過成功夢迷酒酣草玄不妨準易論詩終近

周南

啜羹不如放麇樂羊終愧巴西欲問老翁歸處帝鄉無路

雲迷

有惠江南帳中香者戲贈二首

百鍊香螺沉水寶薰近出江南一穗黃雲繞几深禪想對

同參

螺甲割崑崙耳香材屑鷓鴣斑欲雨鳴鳩日永下帷睡鴨

春閑

子瞻繼和復答二首

置酒未容虛左論詩時要指南迎笑天香滿袖喜公新趣

朝參

迎燕溫風旋旋潤花小雨斑斑一炷煙中得意九衢塵裏

偷閑

題鄭防畫夾五首

惠崇煙雨歸鴈坐我瀟湘洞庭欲喚扁舟歸去故人言是

黃氏詩選

卷三

山谷六言絕

壺

望雲草廬

丹青一載東坡集中

能作山川遠勢白頭惟有郭熙欲寫李成驟雨惜無大幅

鷺溪

徐生脫水雙魚吹沫相看晚圖老矣箇中得計作書遠寄

江湖

折葦枯荷共晚紅榴苦竹同時睡鴨不知飄雪寒雀四顧

風枝

子母猿啼檨葉山南山北危機世故誰能禱里穀中皆是

由基

題劉將軍鶩

箭羽不霑春水籀文時印平沙想見山陰書罷舉羣驅回  
王家

次韻公擇舅

昨夢黃梁半熟立談白壁一雙驚鹿要須野草鳴鷗本願  
秋江

次韻韓川奉祠西太一宮

紫府侍臣鳴玉霜臺御史生風宮燭論詩未了知秋自屬  
梧桐

謝人送粟鼠尾畫維摩二首

貂尾珍材可筆虎頭墨妙疑神頗知君塵外物眞是我眼  
黃氏詩選 卷三 山谷六言絕 奕 望雲草廬

中人

丹青貌金粟影毛物宜管城公只今爲君落筆他日聽我

談空

一作畫圖  
見金粟佛

次韻公擇舅

下卷

不覺春水辭文如明平將慰良山對生歸東谷

山谷先生詩選

禹航 周之麟 雪蒼

仁和 柴升 錦川 全選

七言絕

王才元惠梅花三種皆妙絕戲答三首

城南名士遺春來三月乃見臘前梅定知鎖著江南客故

放緣梢春晚回

梢一作陰

舍人梅塢無關鎖攜酒俗人來未曾舊時愛菊陶彭澤今

作梅花樹下僧

病夫中歲屏栲杓百葉細梅觸撥人拂殺官黃春有思滿

黃氏詩選

卷三

山谷七言絕

老 望雲草廬

城桃李不能春

殺一作捺

劉晦叔許洸河綠石研

久聞眠石鴨頭綠可磨桂溪龍文刀莫嫌文吏不知武要

試飽霜秋兔毫

王立之承奉詩報梅花已落盡次韻戲答

南枝北枝春事休榆錢可穿柳帶柔定自沈郎作詩瘦不

應春能生許愁

沈郎一作瘦郎

題伯時畫嚴子陵釣灘

生平久要劉文叔不肯爲渠作三公能令漢家重九鼎桐

江波上一絲風

睡鴨

山雞照影空自愛孤鸞對鏡不作雙天下真成長會合兩  
鳧相倚睡秋江

萬州下巖 用楊子安韻

空巖靜發鐘聲響古木倒掛藤蘿昏莫道蒼崖鎖靈骨時  
應持鉢到諸村

題驢瘦嶺馬鋪 知命

老馬饑嘶驢瘦嶺病人生入鬼門關病人甘作五溪臥老  
馬猶思十二閑

劉邦直送水仙花

黃氏詩選

卷三

山谷七言絕

奕

望雲草廬

錢塘昔聞水仙廟荆州今見水仙花暗香靚色撩詩句宜  
在林逋處士家 錢塘有水仙王廟林和靖祠堂近之東坡先生以爲和靖清節映世遂移神像配食水仙

水仙王云

次韻向和鄉行松滋縣與鄒天錫夜語南極亭二首  
雪泥滑滑到山郭提壺勸沽亦不惡林中解道不如歸家  
人應念思歸樂

衝風衝雨走七縣惟有白鷗盟未寒坐中更得江南客開  
盡南窗借月看

到桂州

桂嶺環城如鴈蕩平地蒼生忽憎賊李成不在郭熙死柰

此百蟻千峰何

秋思寄子由

黃落山川知晚秋小蟲催女獻功裘老松閱世臥雲壑挽  
著滄江無萬牛

子瞻去歲春夏侍立延英子由秋冬閒相繼入侍作  
詩各述所懷予亦次韻

赤壁歸來入紫清堂堂心在鬢彫零江沙蹋破青鞵底却  
結絲絢侍禁庭

次韻游景叔聞洮河捷報寄諸將

千仞溪中石轉雷漢家萬騎擣虛回定知獻馬 雛人看  
黃氏詩選 卷三 山谷七言絕 突 望雲草廬

卽稱觴都護來

謝鄭閣中惠高麗畫扇二首

會稽內史三韓扇分送黃門畫省中海外人煙來眼界全  
勝博物注魚蟲

頭汀遊女能騎馬傳道蛾眉畫不如寶扇真成集陳隼史  
臣今得殺青書

戲贈米元章

萬里風帆水著天麝煤鼠尾過年年滄江靜夜虹貫月定  
是米家書畫船

趙子充示竹夫人詩蓋涼寢竹器甜臂休膝似非夫

人之職予爲名曰青一作竹奴并以小詩取之二首

青奴元不解梳粧合在禪齋夢蝶牀公自有人同枕簟肌

膚冰雪助清涼

穠李四絃風拂席昭華三弄月侵牀我無紅袖堪娛夜政

要青奴一味涼

往歲過廣陵值早春嘗作詩云春風十里珠簾卷紫

髯三生杜牧之紅藥梢頭初罨栗揚州風動鬢成絲

今春有自淮南來者道揚州事戲以前韻寄王定國

二首

淮南二十四橋月馬上時時夢見之想得揚州醉年少正

黃氏詩選卷三 山谷七言絕

辛 望雲草廬

圍紅袖寫烏絲

日邊置論誠深矣聖處時中乃得之莫作秋蟲促機杼貧

家能有幾鉤絲

呈外舅孫莘老二首

九陌黃塵烏帽底五湖春水白鷗前扁舟不爲鱸魚去收

取聲名四十年

巖社湖中有明月淮南草木借光輝故應刮蚌登王室不

若含沙弄夕霏

從張仲謀乞蠟梅

聞君寺後野梅發香蜜染成官樣黃不擬折來遮老眼欲

知春色到池塘

乞姚花二首

正是花光嬾困時姚黃開晚落應遲欲雕好句乞春色日  
厯如山不到詩

青春日月鳥飛過汗簡文書山疊重乞取好花天上看宮

衣黃帶御鑪風

風一作煥

寄杜家父二首

紅紫爭春觸處開九衢終日犢車雷悶情欲被春將去烏  
喚花驚只麼回

風塵點汗青春面自汲寒泉洗醉紅徑欲題詩嫌浪許杜

黃氏詩選

卷三

山谷七言絕

辛

望雲草廬

郎覓句有新功

同元明過洪福寺戲題

洪福僧園拂紺紗舊題塵壁似昏鴉春殘已是風和雨更

着遊人撼落花

題淨因壁二首

一刻東坡集中

暝倚團蒲挂鉢囊半窗疎箔度微涼蕉心不展待時雨葵

葉爲誰傾夕陽

挂鉢囊一作畫夢長

門外黃塵不見山此中草木亦常閑履聲如度薄冰過僮

粥華鯨吼夜闌

以梅餽晁深道戲贈二首

帶葉連枝摘未殘，依稀茶塢竹籬間。相如病渴應須此，莫與文君覺遠山。

渴夢吞江起解顏，詩成有味齒牙閒。前身鄴下劉公幹，今日江南庾子山。

六月十七日晝寢

紅塵席帽烏韉裏，想見滄洲白鳥雙。馬鬣枯筮誼午枕，夢成風雨浪翻江。

北窗

生物趨功日夜流，園林才夏麥先秋。綠陰黃鳥北窗簾，付與來禽安石榴。

黃氏詩選

卷三

山谷七言絕

三

望雲草廬

題惠崇畫扇

惠崇筆下開江面，萬里晴波向落暉。梅影橫斜人不見，鴛鴦相對浴紅衣。

題劉將軍鴈

將軍一矢萬人看，雪灑晴空碎羽翰。乞與失羣沙宿鴈，筆間千頃暮江寒。

余去歲在長

與處度元實相從，把酒自過嶺來。

不復有此樂感嘆之餘，戲成一絕。

玄霜搗盡首塵絕，去作湖南萬里春。想見山川佳絕地，落花飛絮轉愁人。

題蘇若蕙回文錦詩圖

千詩織就回文錦如此陽臺莫雨何亦有英靈蘇蕙手只  
無悔過竇連波

宋林宗寄夔州五十詩一首

碑同峴首千年石詩到夔州十絕歌他日巴人懷叔子時  
時解著手摩挲

戲答史應之二首

老萊有婦懷高義不厭夫家首蓓盤收得千金不龜藥短  
裙漂統草江寒

甌有輕塵釜有魚漢庭日日召嚴徐不嫌藜藿來同飯更

黃氏詩選

卷三

山谷七言絕

圭

望雲草廬

展芭蕉看學書

次韻答馬中玉二首

雨入紗窗風簸船菊花過後早梅前錦江春色薰人醉也  
到壺中小隱天

卷沙成浪北風顛銜尾千艘不敢前匝岸水居皆有酒行  
人得意買江天

次韻仲玉水仙花二首

倡水開花自一奇水沉爲骨玉爲肌暗香已壓  
比寒梅無好枝

淤泥解作白蓮藕糞壤能開黃玉花可惜國香天不管隨

緣流落小民家

待聞民間  
一事如此

雨中登岳陽樓望君山二首

投荒萬死鬢毛斑，生入瞿塘灑灑關。  
未到江南先一笑，岳陽樓上對君山。

滿川風雨獨憑欄，綰結湘娥十二鬟。  
可惜不當湖水面，銀山堆裏看青山。

戲效禪月作遠公詠

遠法師居廬山下，持律精苦過中。  
不受蜜湯而作詩，換酒飲陶彭澤。  
送客無貴賤，不過虎溪而與陸道士。  
行過虎溪數百步，大笑而別。故禪月作詩云：愛陶長

黃氏詩選

卷三

山谷七言絕

古

望雲草廬

官醉兀兀送陸道士，行遲遲買酒過溪。  
皆破戒，斯何人。斯師如斯故效之。

邀陶淵明把酒椀，送陸修靜過虎溪。  
曾次九流清似鏡，人間萬事醉如泥。

鄂州南樓書事二首

四顧山光接水光，凭闌十里芟荷香。  
清風明月無人管，併作南樓一味涼。

武昌參佐幕中畫，我亦來追六月涼。  
老子平生殊不淺，諸君少住對胡牀。

南樓畫閣觀方公悅一小詩戲

重山複水繞深秋不見高賢獨倚樓手拂壁間留恨句淺  
波微步有人愁

寄賀方回

少游醉臥古藤下誰與愁眉唱一盃解作江南斷腸句只  
今惟有賀方回

和寧子興白鹿寺

谷卽巖開見佛燈雲遮霧掩碧層層青山得意看流水白  
鹿歸來失舊僧

題花光畫山水

花光寺下對雲沙欲把輕舟小釣車更看道人烟雨筆亂  
黃氏詩選

卷三 山谷七言絕

壹 望雲草廬

峰深處是吾家

寄黃龍清老三首

萬山不隔中秋月一鴈能傳寄遠書深密伽陀枯戰筆眞  
成相見問何如

風前橄欖星宿落日下桺柳羽扇開照默室中有相憶清  
秋忽遣化人來

騎驢覓驢但可笑非馬喻馬亦成癡一天月色爲誰好二  
老風流只自知

戲題小雀捕飛蟲畫扇

小蟲心在一啄閒得失與世同輕重丹青妙處不可傳

篇斷輪如此用

予既作竹枝詞夜宿歌羅驛夢李白相見於山聞曰  
予往謫夜郎於此聞杜鵑作竹枝詞三疊世傳之不  
予細憶集中無有三誦乃得之

一聲望帝花片飛萬里明妃雪打圍馬上 見那解聽琵琶  
應道不如歸

竹竿坡面蛇倒退摩圍山腰胡孫愁杜鵑無血可續淚何  
日金雞赦九州

命經人解囊頭船日瘦鬼門關外天北人墮淚南人笑青  
壁無梯聞杜鵑

黃氏詩選

卷三

山谷七言絕

美

望雲草廬

行次巫山宋楸宗遣騎送折花厨醑

知命

攻許愁城終不聞青州從事斬關來喚得巫山強項令插  
花傾酒對陽臺

上南陵坡

知命

風餐水宿六千里蛇退猿愁百八盤上得坡來總歡喜摩  
圍依約見峰巒

次韻任道食荔枝有感三首

一錢不直程衛尉萬事稱好司馬公白髮永無懷橘日六  
年惻悵荔枝紅

今年荔子熟南風莫愁留滯太史公五月照江鴨頭綠六

月連山柘枝紅

舞女荔支熟雖晚臨江照影自惱公天與盛羅裝寶髻更  
授猩血染殷紅

謝楊履道送銀茄四首

藜藿盤中生精神珍蔬長帶色勝銀朝來鹽醢飽滋味已  
覺瓜瓠漫輪囷

君家水茄白銀色殊勝垣裏紫彭亨蜀人生疎不下箸吾  
與北人俱眼明

白金作顆非堆成中有萬粟嚼輕冰戎州夏畦少蔬供感  
君來飯在家僧

黃氏詩選

卷三

山谷七言絕

七

望雲草廬

畦丁收盡垂露實葉底猶藏十二三荷得銀包已成殼更  
當乞種過江南

病起荆江亭卽事

翰墨場中老伏波菩提坊裏病維摩近人積水無鷗鷺時  
有歸牛浮鼻過

死者已死黃霧中三事不數兩蘇公豈謂高才難駕御空

歸萬里白頭翁

詩一作爲

文章韓杜無遺恨草詔陸贄傾諱公玉堂端要眞學士須  
得儋州秃鬢翁

閉門覓句陳無已對客揮毫秦少游正字不知溫飽未酉

風吹淚古藤州吹一作

鄒松滋寄苦竹泉橙翅蓮子湯三首

松滋縣西竹林寺苦竹林中甘井泉  
巴人漫說蝦蟇焙試裹春芽來就煎

天將金闕眞黃色借與洞庭霜後橙  
松滋解作逡巡麴壓倒江南好事僧

新收千百秋蓮葯剝盡紅衣搗玉霜  
不假參同成氣味跳珠枕裏綠荷香

戲答王子予送凌風菊二首

病來孤負鷓鴣杓禪板蒲圃入眼中  
浪說閒居愛重九黃黃氏詩選

卷三 山谷七言絕

芙蓉 望雲草廬

花應笑白頭翁

王郎頗病金瓢酒不耐寒花晚更芳  
瘵盡腰圍怯風景故來歸我一枝香

次韻文潛立春日絕句

渺然今日望歐梅已發黃州首更回  
試問淮南風月主新年桃李爲誰開

誰憐舊日青錢選不立春風玉笋班  
傳得黃州新句法老夫端欲把降幡

題高節亭邊山礬花一首 并引

江湖南野中有一種小白花本高數尺  
春開極香野

人謂之鄭花，王荆公嘗欲作詩而陋其名，予請名曰  
山礬，野人採鄭花葉以染黃，不借礬而成色，故名山  
礬，海岸孤絕處補陀山譯者以謂小白花，予疑卽此  
花爾，不然何以觀音老人端坐不去耶？世作場花山  
谷寫爲鄭  
高節亭邊竹已空，山礬獨自倚春風。二三名士開顏笑，把  
斷花光水不通。

次浮塘驛見張施州小詩

知命

嘆息施州成老醜，當年玉雪瑩相照。舊時去天一尺五，今  
日萬里聽猿叫。

睡起

黃氏詩選

卷三

山谷七言絕

堯

望雲草廬

彷彿江南一夢中，虛堂盡日轉溫風。春深稍覺袂衣重，晝  
永不知樽酒空。

避暑李氏園二首

李侯別館鎖春陰，花徑吹香可細尋。迸笋侵階藤倒架，主  
人重爲費千金。

荷氣竹風宜永日，冰壺涼簟不能回。題詩未有驚人句，會  
喚謫仙蘇二來。

戲題大年防禦蘆鴈

揮毫不作小池塘，蘆荻江村落鴈行。雖有珠簾藏翡翠，不  
忘煙雨罩鴛鴦。

倉後酒正廳昔唐林夫謫官所作十一月己卯余納  
秋租隔牆芙蓉盛開

攀檻朱雲頭未白不知流落向何州空餘前日學書地小  
閣紅葉取意秋林夫喜作隸字

同劉景文遊郭氏西園因留宿

人居城市虛華館秋入園林著晚花落日臨池見蝌蚪必  
知清夜有鳴蛙

和陳君儀讀楊太真外傳

梁州一曲當時事一作開元夢記得曾拈玉笛吹端正樓空春

書永小桃猶學淡燕支

黃氏詩選 卷三 山谷七言絕

今 望雲草廬

高麗條脫瑠紅玉一作雙條脫玻璃玉邏逆琵琶撚絲一作三尺琵琶

絲一作繭蛛網屋煤昏故物一作脂澤歌此生惟有夢來時

杜似吟院兩首

日長吟院無公事燕入花開必有詩莫道南風吹鴈去春  
來亦有北風時

吟院虛明如畫舫想成檻外是長江杜郎忽作揚州夢兩

帶風沙打夜窗

楊朴墓

三尺孤魂一布衣人言無復似當時千秋萬歲還來此月

笛煙莎世不知楊朴喜吹笛嘗作莎詩極工

戲和舍弟船場探春二首

雨餘禽語催天曉月上梨花放夜闌莫聽遊人待妍暖十  
分傾酒對春寒

百舌解啼泥滑滑忽成風雨落花天城南一段春如錦喚  
取詩人到酒邊

上蕭家峽

玉筍峰前幾百家山明松雪水明沙迤虛人集春蔬好菜

茵竹萌煙蕨芽

晚年本云迤虛人在烟  
中語荷榛歸來有蕨芽

歐陽從道許寄金橘以詩督之

從道參禪頗聞數  
從歌舞飲故及之

禪客入秋無氣息想依紅袖醉氍毹霜枝搖落黃金彈許

賁氏詩選

卷三

山谷七言絕

全

望雲草廬

送筠籠殊未來

次韻喜陳吉老還家二絕

公庭無事吏人休垂箔寒廳對奕秋催織青籠蒟白酒竹  
爐煨粟煮雞頭

夜寒客枕多歸夢歸得黃柑紫蔗秋小雨對談揮麈尾青  
燈分坐寫蠅頭

醢醢

漢宮嬌額半塗黃入骨濃薰賈女香日色漸遲風力細倚  
欄偷舞白霓裳

學元翁作文兒蒲日詩

五老峰前萬頃江，女兒浦口鴛鴦雙。  
驚飛何處沙上宿，夜雨釣船燈照窗。

睡起

柿葉鋪庭紅，顆秋薰爐沉水度。  
衣篝松風夢與故人遇，同駕飛鴻跨九州。

次韻子瞻元夕扈從端門二首

赭黃繖底望龍章，不斷惟聞寶炬香。  
一片韶音歸複道，重瞳左右列英皇。

端門魏闕鬱崢嶸，燈火如山輦路平。  
不待上林鶯百轉，教坊先已進春聲。

黃氏詩選

卷三

山谷七言絕

全

望雲草廬

大暑水閣聽晉卿家昭華吹笛

斲竹能吟水底龍，玉人應在月明中。  
何時爲洗秋空熱，散作霜天落葉風。

訪趙君舉

朔風吹雪滿都城，曉踏驪騮訪玉京。  
相引槽頭看春酒，細流三峽夜泉聲。

題覺海寺

鐘烟鬱鬱水沉肥，水遶禪牀竹遶溪。  
一段秋蟬思高柳，夕陽元在竹陰西。

飲李氏園

小摘來禽興未厭  
疏畦經雨綠纖纖  
坐分紫石蒲萄下  
不  
怕龍須冒帽簷

謝陳正字送荔枝三首

十年梨棗雪中看  
想見江城荔枝子  
丹贈我甘酸三百顆  
稍  
知身作近南官

齋餘睡思生  
湯餅紅顛分  
甘愜下茶如夢泊  
船甘柘雨芭蕉  
林裏有人家

橄欖灣南遠  
歸客煩將嘉菓送  
蓬門紅衣襖積蠻  
烟潤白  
麝丁香之子孫

次韻裴尉過馬鞍山

黃氏詩選

卷三

山谷七言絕

三

望雲草廬

青山如馬怒盤旋  
錯認林花作錦鞮  
君不據鞍朝玉帝  
豈  
宜長作市門仙

春近四絕句

閨後陽和臘裏回  
濛濛小雨暗樓臺  
柳條榆莢弄顏色  
便  
恐入簾雙燕來

亭臺經雨壓塵沙  
春近登臨意氣佳  
更喜輕寒勒成雲  
未  
春先放一城花

小雪晴沙不作泥  
疎疎紅日弄朝暉  
年華已伴梅梢晚  
春  
色先從草際歸

梅英欲盡香無賴  
草色才蘇綠未勻  
苦竹空將歲寒節  
又

隨官柳到青春

見二十弟倡和花字漫興

落絮遊絲三月候風吹雨洗一城花未知東郭清明酒何  
似西窗穀雨茶

馬上口號呈建始李令

知命

驛亭新似眼般明善路開如掌樣平誰與長官歌美政風  
搖松竹是懽聲

黃氏詩選

卷三

山谷七言絕

齒

望雲草廬

題西窗穀雨茶

落絮遊絲三月候風吹雨洗一城花未知東郭清明酒何  
似西窗穀雨茶

題西窗穀雨茶

